


PROGRAMI BUXHETOR
AFATMESEM
2020-2022



	Faqe
Hyrje	2
KAPITULLI I Procesi i Programit Buxhetor Afatmesëm dhe Roli i tij	3
KAPITULLI II Prioritetet Afatmesme 2020 – 2022	7
KAPITULLI III Parashikimet Buxhetore Afatmesme 2020 – 2022	15
III.1 Të Ardhurat e Bashkisë së Tiranës për Periudhën 2020 – 2022	15
III.2 Transfertat nga Buxheti i Shtetit	36
III.3 Burime të tjera financimi / Donacione	39
III.4 Parashikimi i shpenzimeve për Periudhën 2020 – 2022	42

HYRJE

Hartimi i Programit Buxhetor Afatmesëm (PBA), mbështetet në ligjin nr. 9936, datë 26.06.2008 për "Menaxhimin e sistemit buxhetor në Republikën e Shqipërisë"(i ndryshuar), Ligjit nr. 139/2015 "Për vetëqeverisjen vendore", ligjit nr.68/2017 "Për financat e vetëqeverisjes vendore" dhe në Udhëzimet e Ministrisë së Financave për përgatitjen e buxhetit vendor.

Programi Buxhetor Afatmesëm i Bashkisë së Tiranës është hartuar në bazë të funksioneve të pushtetit vendor të përcaktuara në ligjin nr.139, datë 17.12.2015, "Për vetëqeverisjen vendore", në strukturat buxhetore të programeve që parashikojnë aktet ligjore mbi buxhetin referuar dhe Udhëzimit nr.7 datë 27.02.2019 të Ministrisë së Financave "Për përgatitjen e Programit Buxhetor Afatmesëm Vendor 2020-2022" si edhe në funksionet që ushtron aktualisht Bashkia e Tiranës. Dokumenti i PBA-së, prezanton me detaje qëllimet, objektivat dhe produktet për çdo program buxhetor. Objektivat e çdo programi janë përcaktuar nga Njësitë Shpenzuese të përfshira, në përputhje me funksionet dhe qëllimet përkatëse.

Baza mbi të cilën janë përcaktuar sektorët parësorë të zhvillimit dhe identifikimit të prioritetëve të shpërndarjes së burimeve për periudhën 2020-2022 janë kërkesat e qytetarëve, të shprehura përmes diskutimeve publike me qytetarët e të 27 njësiteve administrative dhe programi qeverisës i Kryetarit të Bashkisë për vitet 2019-2022, i reflektuar në Strategjinë 5 vjeçare për Zhvillimin e Qendrueshëm të Bashkisë Tiranë.

Projekt-buxhetet bazohen në vizionin tonë për Tiranën e së ardhmes, e cila para së gjithash duhet të jetë një qytet i jetueshëm, me infrastrukturë moderne e transport publik cilësor, me shërbime efikase e cilësore, me mundësi investimi për sipërmarrësit, me një jetë kulturore të larmishme e me hapësira të dedikuara për fëmijët, të moshuarit, këmbësorët e çiklistët. Ne besojmë se pavarësisht problemeve të shumta, Tirana fsheh një potencial të jashtëzakonshëm ekonomik, social e kulturor.

Si pasojë e gjendjes së emergjencës shkaktuar nga rënia e tërmetit e datës 26 nëntor 2019, e cila krijoi një situatë të papritur me pasoja të rënda për tre qytete në vend, përfshirë edhe qytetin e Tiranës, duke cënuar sigurinë dhe shkaktuar dëme të mëdha për jetën e njerëzve, Këshilli i Ministrave miratoi vendimin nr. 750, datë 27.11.2019, "Për shpalljen e gjendjes së fatkeqësisë natyrore në qarqet Durrës, Tiranë dhe Lezhë", të ndryshuar.

Në përputhje me ligjin "Për mbrojtjen civile", vendimi i Këshillit të Ministrave mbi gjendjen e fatkeqësisë natyrore në të cilin është sanksionuar fakti se për përballimin dhe lehtësimin e pasojave të fatkeqësisë natyrore në qarqet Durrës, Tiranë dhe Lezhë, institucionet publike janë të detyruara të marrin masa të jashtëzakonshme për përballimin e kësaj shtate. Konkretisht, referuar pikës 7.1, shkronjat "a" dhe "d" institucionet publike duhet të realizonin plane masash organizative dhe administrative për përballimin e gjendjes së fatkeqësisë natyrore dhe të ndihmonin në përballimin dhe lehtësimin e saj.

Ndodhur në këto kushte, Bashkia e Tiranës nuk mundi të dorëzojë në Këshillin Bashkiak draft projekt-vendimin për miratimin e PBA 2020-2022 brenda afateve të caktuara në ligj, datës 29 Nëntor 2019 pasi vijoi nismën e marrjes së masave për akordimin e fondeve të nevojshme në emergjencat civile duke ndryshuar buxhetin e vitit 2019 dhe duke riparë zërat kryesore si dhe fondin e emergjencës në PBA 2020-2022.

KAPITULLI I

PROCESI I PROGRAMIT BUXHETOR AFATMESËM DHE ROLI I TIJ

Hartimi i PBA-së përbën një proces shumë të rëndësishëm për Bashkinë e Tiranës, pasi ky dokument siguron mekanizmat e nevojshme përmes të cilave, objektivat prioritare të identifikuar në Strategjinë e Bashkisë së Tiranës, të integrohen sa më mirë në procesin buxhetor. Rol domethënës në hartimin e kësaj PBA-je kanë luajtur edhe qytetarët e Tiranës, të cilët në kuadër të takimeve “Buxheti me pjesëmarrje” kanë shprehur prioritetet e tyre për shpenzimet publike.

Këtë vit përgatitja e PBA-së së njësisve të vetëqeverisjes vendore është bazuar në klasifikimin COFOG (Sistemi Ndërkombëtar i Klasifikimit të Shpenzimeve sipas funksioneve). Si rrjedhojë kemi ndryshime në mënyrën e prezantimit dhe shpërndarjes së zërave buxhetore për PBA 2020-2022, konkretisht buxheti i Bashkisë Tiranë të këtij viti do bazohet jo më në 14 programe (si është operuar deri tani) por në 26 programe. Shtimi i programeve këtë vit ka rezultuar në rishpërndarje të disa funksioneve si psh: programi i arsimit është i ndarë në atë parashkollor dhe atë parauniversitar si dhe në shpërndarjen e buxhetit të një institucioni varësie në më shumë se 1 program (psh Drejtoria e Përgjithshme Nr.2 e Punëtorëve të Qytetit apo Agjencia e Parqeve dhe Rekreacionit).

Objektivat e Programit Buxhetor Afatmesëm:

- a. Përmirësimi i menaxhimit dhe rritja e efikasitetit të përdorimit të fondeve publike, është objektivi parësor i PBA-së, në funksion të të cilit, angazhimi dhe mbështetja serioze e me përgjegjësi të lartë e të gjitha njësisve pjesëmarrëse në PBA, mbetet thelbësore për ecurinë e suksesshme të këtij procesi.
- b. Sigurimi i një shpërndarjeje të drejtë efiçente të burimeve është objektivi nëpërmjet të cilit synohet të arrihet:
 - Një kuadër i qëndrueshëm planifikimi afatmesëm, brenda të cilit të planifikohen buxhetet vjetore,
 - Lidhje e drejtpërdrejtë mes programeve politike të Bashkisë dhe alokimit të burimeve.

Qëllimet e Programit Buxhetor Afatmesëm:

- Sigurimi i një buxheti të qëndrueshëm, mbështetur në objektiva dhe prioritete afatmesme (tre vjeçare), brenda një kuadri realist makroekonomik dhe fiskal;
- Inkurajimi i efektivitetit, efikasitetit dhe ekonomisë në kryerjen e shpenzimeve publike dhe alokimin e burimeve;
- Forcimi i disiplinës fiskale.

Roli i Programit Buxhetor Afatmesëm:

Programi Buxhetor Afatmesëm është instrumenti më i rëndësishëm i menaxhimit financiar, i cili synon integrimin e programit të Kryetarit të Bashkisë së Tiranës për mandatin 2019-2022 me

nevojat e qytetarëve duke i përkthyer në politika vendore dhe konkretizuar në plane shpenzimesh.

Ky dokument synon të informojë Këshillin Bashkiak të Tiranës dhe publikun e gjerë lidhur me planet afatmesme të shpenzimeve të Bashkisë, të cilat do të çojnë në arritjen e objektivave strategjike të programit të Kryetarit të Bashkisë së Tiranës.

Dokumenti synon t'i japë mundësinë Këshillit Bashkiak, si organ vendimmarrës, për të zhvilluar një kuadër të qartë burimesh në periudhë afatmesme që do të shërbejë si bazë për planifikimin vjetor të shpenzimeve korrente dhe kapitale të Bashkisë.

Ky program iu shërben gjithashtu Njësive Shpenzuese pasi mundëson përcaktimin në mënyrë të qartë prej tyre të politikave dhe programeve për çdo aktivitet, për të përcaktuar kostot dhe prioritetet e tyre brenda kontekstit të burimeve të disponueshme, në mënyrë që burimet financiare të mund të alokohen tek programet prioritare në periudhën afatmesme.

Ky proces synon parashikimin e të ardhurave dhe shpenzimeve aktuale, si një mjet që përkthen qëllimet dhe objektivat strategjike në synime financiare, duke prezantuar politikat fiskale dhe financiare të Bashkisë së Tiranës.

Struktura e përgjithshme e Programit Buxhetor Afatmesëm:

PBA-ja është hartuar në bazë të programeve, ku çdo program lidhet me një funksion të veçantë të pushtetit vendor, brenda të cilit janë përfshirë një ose më shumë Njësi Shpenzuese, në përputhje me funksionet dhe qëllimet përkatëse. Dokumenti i PBA-së, prezanton me detaje qëllimet, objektivat dhe produktet për çdo program. PBA-ja është hartuar për të gjitha programet e Bashkisë dhe është fokusuar në programet prioritare, të cilat janë shprehje e kërkesave dhe nevojave të komunitetit duke u ndërthurur me programin politik të Kryetarit të Bashkisë.

Për çdo program janë parashikuar të gjitha shpenzimet që do të shërbejnë për realizimin e objektivave të tij, sipas llojit dhe Njësive Shpenzuese.

Shpenzimet:

- a. Shpenzimet korrente (paga, sigurime, shpenzimet operative dhe të mirëmbajtjes, interesa),
- b. Shpenzimet kapitale.

Njësitë Shpenzuese:

- a. Aparati i Administratës së Bashkisë së Tiranës
- b. Institucionet e varësisë

Konsultimi i Programit Buxhetor Afatmesëm:

Në mbylljen e vitit kalendarik 2019, i cili shënon një tjetër arritje historike për Bashkinë e Tiranës, në aspektin e performancës financiare dhe shtrirjes së investime publike në çdo cep të Tiranës, janë realizuar sërish dëgjesat dhe konsultimet publike mbi projektbuxhetin 2020-2022.

Bashkia e Tiranës i jep përparësi thelbësore përfshirjes qytetare si hallkë e rëndësishme në vendimmarrje, për sa i përket projekteve, investimeve dhe shërbimeve që ky institucion garanton ndaj qytetarëve të kryeqytetit. Vendimmarrjen me pjesëmarrje Bashkia e zbaton edhe në bazë të parimeve themelore të funksionimit të një qeverisje demokratike dhe të shtetit të së drejtës, parime të tilla si: parimi i transparencës, gjithëpërfshirës, zbatimit të ligjshmërisë, subsidiaritetit, etj.

Dëgjesat dhe konsultimet publike mbi projektbuxhetin me pjesëmarrje u realizuan edhe këtë vit në të 24 njësitë dhe 3 lagjet e Bashkisë së Tiranës, ku u paraqitën projektet e nisura tanimë, të cilat do të vijojnë edhe gjatë vitit 2020, si edhe ato risi në punë dhe investime publike, të cilat parashikohen të financohen dhe realizohen gjatë vitit të ardhshëm. Gjithashtu u morrën në konsideratë kërkesat dhe sugjerimet e banorëve për përmirësimin e cilësisë së jetesës sipas nevojave për secilën njësi.

U realizua sondazhi për qytetarët, qëllimi i të cilit ishte të evidentojë mendimin qytetar rreth fushave dhe zërave të investimeve, të propozuara nga Bashkia e Tiranës në projektbuxhetin e vitit 2020.

Nga totali i 1.162 të intervistuarve pjesëmarrës në këtë sondazh, 42% e tyre ishin femra dhe 58 % meshkuj. Vihet re që grup-moshat 36-45 vjeç kanë përqindjen më të lartë të pjesëmarrjes, konkretisht 27 %.

Njësitë me pjesëmarrje më të lartë në dëgjesat publike janë: Njësia Administrative Nr. 9 me 107 intervista të kryera gjatë dëgjesës, Njësia Administrative Nr. 5 me 101 të intervistuar dhe Njësia Administrative Nr. 10 me 91 të intervistuar.

Gjithashtu, pjesëmarrje të lartë ka pasur edhe në Njësitë Administrative Nr. 4 me 85 të intervistuar dhe Njësia Administrative Nr. 1 dhe Njësia Administrative Nr. 3 me nga 53 të intervista secila.

Nevojat dhe sugjerimet e ardhura nga qytetarët variojnë në funksion të zonave të banimit dhe problematikave të ndryshme që këto paraqesin, sipas shembujve të mëposhtëm:

Në Njësinë Administrative Nr.1, vërehet se zërat më të nevojshëm janë konsideruar infrastrukturë rrugore 58%, transport publik 49% dhe sistemim kanalizimesh 45%.

Në Njësinë Administrative Nr. 2, qytetarët janë shprehur se investimet në këtë njësi duhet të jenë më së shumti për rikualifikim blloqe banimi e sistemim kanalizimesh me nga 46%, punësim/formim profesional e infrastrukturë rrugore me nga 44% dhe pastrim/largim mbetjesh e rehabilitim fasadash me nga 38%.

Në Njësinë Administrative Nr. 3, vërehet se zërat më të nevojshëm janë konsideruar sistemim kanalizimesh 49%, infrastrukturë rrugore e transport publik me nga 47% dhe ujësjellës/furnizim me ujë 42%.

Për sa i përket investimeve në Njësinë Administrative Nr.4, shihen si parësore infrastrukturë rrugore 65%, sistemim kanalizimesh 58% dhe transport publik 55%.

Në Njësinë Administrative Nr. 5, sipas të anketuarve prioritet janë ujësjellës/furnizim me ujë 63%, çerdhet 51% dhe kopshtet 49%.

Në Njësinë Administrative Nr. 6, rezulton parësore nevoja për ndërhyrje në infrastrukture rrugore me 54%, 44 % sistem kanalizimesh dhe strehim/ Shërbim social me 39 %.

Në Njësinë Administrative Nr. 7, konsiderohet si më parësore punësim/formim profesional me 43%, çerdhet 40% dhe kopshtet, parkime e infrastrukturë rrugore përkatësisht me nga 36%.

Nga projektioni i analizës së të dhënave rezulton se në Njësinë Administrative Nr. 8 konsiderohen si prioritare nevoja për punësim/formim profesional 45%, infrastrukturë rrugore 43% dhe ujësjellës/furnizim me ujë e pastrim/largim mbetjesh secila me 52%.

Në Njësinë Administrative Nr. 9, është evidentuar si parësore nevoja për infrastrukturë rrugore 53%, sistemim kanalizim 42% dhe parkimet 36%.

Në Njësinë Administrative Nr. 10, banorët e kësaj njësie e konsiderojnë si zë parësor nevojën për rikualifikim blloqe banimi 49%, parkimet 48% dhe infrastrukturën rrugore 46%.

Për sa i përket nevojave për investime gjatë vitit të ardhshëm, banorët në Njësinë Administrative Nr. 11 kanë nënvizuar si më emergjente infrastrukturë rrugore e ujësjellës/furnizimin me uje me nga 53%, rikualifikim blloqe banimi, promovim turizmi e hapësia çlodhës/lulishte me nga 43% dhe gjelbërim, rehabilitim fasadash, kënde lojrash e punësim/formim profesional secilën me nga 40%.

Në lagjen Nr.12 banorët kanë shprehur nevojën për më shumë vëmendje në buxhetin e 2020 në zërat infrastrukturë rrugore 61%, parkim 55% dhe gjelbërim 53%.

Të anketuarit në lagjen Nr. 13 të Bashkisë së Tiranës kanë shënuar si parësore punësim/formimin profesional, ujësjellës/furnizim me ujë 50% dhe infrastrukture rrugore dhe system kanalizimi secila me 42%

Banorët në lagjen Nr.14 të Bashkisë Tiranë si parësore kanë shënuar infrastrukture rrugore me 61 %, hapësira çlodhëse/lulishte 48%, si dhe 39% punësim/formim profesional, ujësjellës/furnizim me ujë 39 %.

Nevojat për investim në optikën e banorëve të Njësisë Administrative Farkë janë më së shumti në infrastrukturë rrugore 67%, ujësjellës/furnizim me ujë 53% dhe system kanalizimesh e transport publik 44%.

Të anketuarit e Njësisë Administrative Kashar kanë shënuar si zërin më të rëndësishëm pikërisht sistemin e kanalizimeve 63 %, punësim/formim profesional 44% dhe ujësjellës/furnizim me ujë 38 %

Banorët e Njësisë Administrative Dajt kanë shënuar si parësore, ndër zërat për investim gjatë vitit 2020, punësimin/formimin profesional 51% dhe infrastrukturën rrugore 51%.

Komuniteti i Njësisë Administrative Baldushk ka cilësuar si zë më të rëndësishëm ujësjellës/furnizimin me ujë 81%, sistemi e kanalizim 69% dhe infrastrukturë rrugore e transport public secila me 65%.

Banorët e Njësisë Administrative Bërzhitë kanë konsideruar si investimin kryesor furnizimin ujësjellës/furnizimin me ujë 91%, transport publik 80% dhe infrastrukturë rrugore 71%.

Banorët në Njësinë Administrative Krrabë kanë shënuar si parësore në këtë njësi investimet në lidhje me ujësjellës/furnizimin me ujë 79%, infrastrukturën rrugore 61% dhe rehabilitim fazdash e shkolla secila 57%.

Për Njësinë Administrative Ndroq është konsideruar si nevojë parësore përfshirja në projektbuxhet e ndërhyrjeve në infrastrukturën rrugore 80%, tregje/rrjet tregëtie 78% dhe sistemim e kanalizimet e punësim/formim profesional 59% secila.

Dëgjesa e zhvilluar në Njësinë Administrative Petrelë evidentoi më së shumti nevojat për ndërhyrje në sistemimin e kanalizimeve 84%, ujësjellës/furnizimin me ujë 79% e transport publik secila me 55% dhe promovimi i turizmit 52%.

Dëgjesa e zhvilluar në Njësinë Administrative Pezë dolën në pah më së shumti nevojat për e ujësjellës/furnizimin me uje 63%, sistemim kanalizim të ujërave të bardha e ujërave të zeza 51% dhe infrastrukturë rrugore e transport publik me 47% secil.

Në Njësinë Administrative Shëngjergj më së shumti janë shprehur nevojat për furnizimi me ujë të pijshëm nga Ujësjellësi 71% dhe ndërhyrje në infrastrukturë rrugore gjithashtu me 71%. Në Njësinë Administrative Vaqarr janë shprehur nevojat për ujësjellës/furnizimin me ujë 84%, sistemi e kanalizim 78% dhe transport publik 56%

Nga dëgjesa në Njësinë Administrative Zall Bastar nevojat kryesore janë shprehur për infrastrukturë rrugore 87%, sistemimin dhe kanalizimet e ujërave të bardha e të zeza dhe furnizimi me ujë të pijshëm nga Ujësjellësi 73%.

Njësinë Administrative Zall Herr janë shprehur nevojat kryesore për ujësjellës/ furnizim me ujë 43 %, transport 38% dhe infrastrukturë rrugore 38 %.

Për sa më sipër, sugjerimet e ardhura nga qytetarët variojnë në funksion të zonave të banimit dhe problematikave të ndryshme që këto paraqesin:

Në njësitë administrative urbane kërkesat janë të shumta për sistemim, asfaltim dhe ndriçim rrugësh, transport publik, ndërtim shkollash, kopshtesh dhe çerdhesh por edhe për punësim dhe nxitje të bizneseve si edhe më shumë vende parkimi.

Në njësitë administrative rurale kërkesat janë më të shumta për kanalizime, mirëmbajtjen e shkollave dhe kopshteve, përmirësimin e transportit apo largimin e mbetjeve në disa njësi.

KAPITULLI II

PRIORITETET AFATMESME 2020-2022

Prioritetet afatmesme të reflektuara në PBA 2020-2022 mbështeten në kërkesat e qytetarëve të Tiranës, në Programin e Kryetarit të Bashkisë së Tiranës për mandatin 2019-2022 dhe në Strategjinë 5 vjeçare për Zhvillimin e Qëndrueshëm të Bashkisë Tiranë.

➤ Prioritetet e Programit Buxhetor Afatmesëm:

Objektivi themelor i PBA-së 2020-2022 do të jetë garantimi i zhvillimit të qëndrueshëm të Tiranës, për të përmirësuar jetesën e brezave të sotëm e për të garantuar mirëqenien e brezave të ardhshëm.

Programet Buxhetore të tre viteve të shkuara kanë arritur tashmë objektivat e rikthimit të Tiranës në punë dhe kthimit të saj në një qytet të jetueshëm. Kanë përfunduar disa nga projektet e mëdha strategjike; është ndërhyrë në pjesën dërrmuese të lagjeve të qytetit me projekte rigjenerimi urban; është siguruar pastërtia e qytetit dhe reduktuar ndotja; është shtuar sipërfaqja e gjelbër; është përmirësuar ndjeshëm infrastruktura në të gjithë çerdhet e kopshtet e qytetit; janë krijuar hapësira të reja rekreacionale; është rigjallëruar jeta kulturore dhe masivizimi i sporteve.

Në Strategjinë 5 vjeçare për Zhvillimin e Qëndrueshëm të Bashkisë Tiranë, në të cilën është mbështetur hartimi i buxhetit për tre vitet e ardhshme, janë parashikuar 5 qëllimet kryesore të zhvillimit, të zbërthyera në disa objektiva specifike:

1. Përmirësimi i infrastrukturës urbane:
 - Rehabilitimi dhe mobilimi urban i njëjësive;
 - Përmirësimi i rrjetit rrugor urban, me focus të posacëm tek korsitë e bicikletave dhe trotuarët;
 - Përmirësimi i hapësirave publike, sipërfaqeve të gjelbra, ndricim etj;

- Krijimi dhe rehabilitimi i infrastrukturës së rrjeteve inxhinierike.
- 2. Arsimi për të gjithë:
 - Ndërtimi i shkollave të reja;
 - Përmirësimi i infrastrukturës në objektet arsimore;
 - Rritja e sigurisë në rrugë e në objektet shkollore.
- 3. Zhvillimi i Ekonomisë Green:
 - Nxitja e zhvillimit rural dhe turizmit dhe ndihmesë bujqësisë;
 - Nxitja e zhvillimit ekonomik, punësimit e sipërmarrjes;
 - Zhvillimi i qëndrueshëm i turizmit.
- 4. Tirana për të gjithë:
 - Nxitjen e mobilitetit alternativ dhe të qëndrueshëm për rritjen e aksesueshmërisë;
 - Përmirësimi i transportit publik duke futur dhe teknologjitë e reja;
 - Rritjen e kapacitetit të parkimit në qytet dhe përdorimin eficient të hapësirave ekzistuese;
 - Përmirësimin e shërbimit të varrezave publike;
 - Ofrimit të shërbimeve sociale cilësore;
 - Rritjes së sipërfaqeve të gjelbra e parqeve dhe shtimit të hapësirave rekreacionale;
 - Nxitjes së jetës kulturore e sportive në qytet;
 - Mbrojtjes së mjedisit dhe reduktimit të ndotjes;
 - Mbeshtetje politikave rinore dhe zhvillimit të karrieres.
- 5. Qeverisja e mirë:
 - Përmirësimi i shërbimeve ndaj qytetarëve dhe biznesit;
 - Rritjen e transparencës dhe gjithëpërfshirjes së qytetarëve dhe komuniteteve në vendimmarrje
 - Administrimin më të mirë të të ardhurave të Bashkisë.

➤ **Projekte Strategjike:**

Pas një sërë projektesh strategjike që rigjallëruan jetën e qytetit gjatë mandatit të parë qeverisës si, Projekti i Rigjenerimit Urban të Pazarit të Ri dhe Sheshit Avni Rustemi; Projekti i Bulevardit të ri, Sheshi Skënderbej, Rehabilitimi i Parkut të Madh të Tiranës, do të vijohet me projekte të reja strategjike të cilat synojnë jo vetëm përmirësimin e infrastrukturës por edhe rritjen ekonomike, zhvillime teknologjike dhe rritjen e punësimit në qytet.

PIRAMIDA

Krijimi i një Qendre për Edukimin për Teknologjinë do të jetë koncepti bazë i përdorimit të Piramidës. Kjo qendër do të jetë një mjedis ku do të ndërveprojnë të rinjtë duke përdorur teknologjinë më të mirë nga profesionistë të fushës, si dhe do të ndërlidhet më së miri teknologjia dhe arti. Koncepti do të jetë mësimi nëpërmjet prodhimit (Learning by doing). Kështu Piramida do të jetë një mjedis ku do të edukohen dhe trajnohen mbi 2000 të rinj dhe të reja. Nëpërmjet këtij projekti do të aktivizohet një hapësirë prej 9460 m² për të akomoduar funksionet teknologjike dhe edukuese. Për ta realizuar këtë do të ndërhyhet fizikisht në objekt për ta kthyer në një mjedis operativ dhe funksional përsa i përket aspektit teknik.

Risia e rigjallërimit të qendrës qëndron në faktin se do të zbatohet modeli mësimor TUMO i cili është një lloj i ri i përvojës arsimore në kombinimin e teknologjisë dhe dizajnit. Programi mësimor parashikohet të jetë i përbërë nga aktivitete të mësimit autodidakt, ëorkshope dhe laboratorë projektesh, ku fëmijët e të rinjtë i kombinojnë këto metoda mësimore personale që të

përshatën me preferencat e tyre dhe shkallën individuale të përparimit. Mes këtyre programeve mësimore përshfihen: animacion, zhvillim lojërash dhe filmimesh, ëeb dizajn, muzikë, shkrim, vizatim, dizajn grafik, modelim 3D, programim, robotikë, fotografi, etj. Teksa të rinjtë përparojnë me projektet dhe praktikën ata do të krijojnë një portofol bazuar mbi rezultatet e tyre i cili do të kthehet në një lloj diplome që do të dëshmojë rritjen e aftësive të tyre në fushat përkatëse. Jemi të bindur se investimi në programe të tilla të zhvillimit kreativ tët rinjve do të jetë një nga investimet kryesore me impakt afatgjatë për një shoqëri më të zhvilluar në të ardhmen.

KOPSHI ZOOLOGJIK

Kopshti Zoologjik ka rreth 30 vjet që nuk ka bërë asnjë investim dhe si pasojë e kësaj është shndërruar në një kopsht të vjetër dhe pa kushtet minimale për mirëmbajtjen e kafshëve. Si pasojë e terrenit jo cilësor dhe të kushteve jo të mira ka shumë pak kafshë të cilat mbahen të mbyllura në hapësira shumë të vogla dhe larg parametrave dhe standardeve të duhura.

Si pasojë e sa më lart, projekti ynë do të zgjerojë sipërfaqen aktuale dhe do ta shndërrojë kopshtin zoologjik në një park zoologjik të standarteve më të larta. Përvec zgjerimit të sipërfaqeve për kafshë parashikohet krijimi i habitatave në mjedise të hapura sa më të ngjashme dhe sa më afër habitatit natyror. Përvec ndërhyrjeve në mjedise parashikohet shtimi i numrit të kafshëve. Projekti do të ofrojë një park të ri për familjet dhe fëmijët e Tiranës e mbarë Shqipërisë dhe do të jetë gjithashtu një atraksion i ri jo vetëm për kryeqytetasit po për të gjithë vizitorët vendas dhe të huaj.

TIRANA POLICENTRIKE

Koncepti i vjetër i zgjerimit dhe zhvillimit urban të Tiranës synonte që kryeqyteti të zhvillohej në mënyrë Monocentrike ku cdo shërbim, funksion kryesor dhe aktivitet parësor zhvillohej në qendër të qytetit. Kjo mund të ketë funksionuar mirë në të kaluarën, por me zhvillimin urban të tanishëm të Tiranës, rritjen e popullsisë dhe për rrjedhim zgjerimin e territorit sjell trafik të rënduar, pabarazi në zhvillimin ekonomik mes zonave qendrore dhe atyre periferike të qytetit, stres urban, ndotje ajri, etj.

Jemi duke zhvilluar Organizimin e Tiranës në disa qendra kryesore dhe dytësore të cilat do të ndihmojnë në procesin e dendësimit me anë të përdorimit të zgjuar të tokës dhe shpërndarjes së funksioneve dhe shërbimeve të njëjta në gjithë territorin. Ky prioritet ka në qendër krijimin e 5 epiqendrave urbane për kapërcimin e dyzimit qendër-periferi dhe për të nxitur zhvillimin e balancuar të qytetit. Kinostudio, Kombinati, Farkë-Qytet Studenti, Bulevardi i Ri dhe Lapraka janë polet e parashikuara për t'u zhvilluar nëpërmjet hartimit dhe zbatimit të Planeve të Detajuara Vendore që do të sigurojnë rivitalizimin dhe forcimin e identiteveve sipas karakterit të çdo poli. Përmbushja e këtij objekti do të jetë një nga sfidat kryesore të 4-vjecarit të ardhshëm por që në fund do të sjellë një rikonceptim të strukturës urbane të qytetit, shtimin e pesë zonave atraktive të reja për qytetarët dhe vizitorët e huaj dhe një rritje me rreth 20% të investimeve në këto pole të reja. Polet për të cilat po punohet sot janë:

Poli Verior- Bulevardi i Ri i Tiranës Ka përfunduar dhe segmenti i fundit i zgjatimit të bulevardit me sinjalistikë rrugore, korsi të dedikuara autobuzësh dhe bicikletash, ndriçim led dhe gjelbërim. Tashmë do të nisë puna për realizimin e sheshit fundor dhe gjatë 4-vjecarit në vazhdim kjo zonë do të ketë një karakter Fin-Tech, pra do të jetë zona e financave dhe e

teknologjisë për qytetin. Gjithashtu, gjatë lumit të Tiranës do të mbizotërojnë korridoret blu dhe të gjelbër me hapësira shlodhëse e rekreative, korsi bicikletash në natyrë të cilat do të promovojnë jetesën e balancuar dhe të shëndetshme në qytet.

Poli Kombinat - Sot po punohet për rivitalizimin e Sheshit Garibaldi dhe godinave të vjetra përreth, ndërkohë që janë bërë shumë investime në përmirësimin e infrastrukturës rrugore dhe ndricimit të zonës. Vizioni dhe objektivat tona për 4-vjecarin e ardhshëm synojnë kthimin e Kombinatit në një zonë urbane me karakter kreativ artistik dhe mjeshtëror i cili sjell më shumë mundësi biznesi dhe do të zbatohet modeli i Pazarit të Ri.

Poli Farkë – Qyteti Studenti Deri më tani zona përreth Liqenit të Farkës ka patur një sërë investimesh për përmirësimin e infrastrukturës rrugore, ndricimit, gjelbërimit përreth Liqenit dhe vendosjen e korsive të bicikletave dhe lojërave ujore. Këto investime dhe të tjera në vazhdim do ta kthejnë polin e Farkës në një zonë me karakter rekreativ, natyror dhe turistik e cila do të gezojë investime dhe vëmendje njëjloj si Parku i madh i Liqenit të Tiranës duke shtuar hapësirat e gjelbra për ushqimin e jetës kolektive si edhe hapësira për aktivitete sportive. Gjithashtu do të ketë investime dhe shërbime si shkolla, kopshte e cerdhe, biblioteka në zonën e Farkës dhe lidhjen e saj me qytetin studentit.

Poli Kinostudio dhe Poli Laprake janë 2 polet e tjera për të cilat po punohet për hartimin e planeve të detajuara vendore. Për to kemi parashikuar gjithashtu një sërë investimesh infrastrukturore në qendrat dhe pikat referuese të zonave të cilat do të kthehen në pole të mirëfillta zhvillimi ekonomik dhe zhvillimi i jetës sociale e rekreative për komunitetin duke ngushtuar hendekun dhe diferencat mes tyre dhe qendrës së qytetit. Për Polin Kinostudio kanë filluar punimet për përmirësimin e infrastrukturës së qendrës së polit dhe infrastrukturës rrugore, ndricimit dhe gjelbërimit përreth. Ndërkohë që Poli Laprakë është në fazë projektimi.

ZONA E TEKNOLOGJISË DHE ZHVILLIMIT EKONOMIK- TEDA (Technological Economic Development Area)

Po punohet për krijimin e një Zone të Teknologjisë dhe Zhvillimit Ekonomik, në të cilën Bashkia do të ketë rolin e zhvilluesit të kësaj zone duke përmbushur kriteret e legjislacionit në fuqi. Krijimi dhe funksionimi i kësaj Zone (TEDA) ka si qëllim krijimin e një territori të veçantë me një regjim fiskal dhe doganor tepër lehtësues për ushtrimin e aktivitetit ekonomik dhe që nxit investimet, hapjen e vendeve të punës dhe rritjen e të ardhurave, përsheptimin e zhvillimit rajonal dhe zgjerimin e lidhjeve ekonomike të tregut kombëtar dhe ndërkombëtar, futjen e teknologjisë së përparuar dhe përsheptimin e qarkullimit të mallrave dhe kapitaleve. TEDA do jetë projekti i parë i mirëfilltë i cili inicion procesin e krijimit të Klasterave ekonomikë sipas skemave më të suksesshme në rajon dhe Europë. Deri më sot kemi përfunduar me studimin e parafizibilitetit, studimin dhe vërtetimin e titujve të pronësisë së tokave të cilat do merren në përdorim, vlerësimin e riskut të projektit dhe jemi në fazën e shpalljes dhe zyrtarizimit të zonës me titullin “Zonë e lirë ekonomike” ndërkohë që janë duke u bërë dhe investimet infrastrukturore të nevojshme të zonës. Menjëherë pas kësaj do fillojë puna për krijimin e paketës së plotë ligjore dhe incentivuese për thithjen e investimeve dhe ngritjen e industrive e bizneseve me teknologji të avancuar dhe potencial të lartë ekonomik.

KAMPUSI UNIVERSITAR

Ne e konsiderojmë investimin në kapitalin njerëzor si një nga elementët më të rëndësishëm që garanton zhvillimin ekonomik. Ndërtimi i kampuseve të reja për Universitetin e Tiranë që është njëkohësisht dhe universiteti më i rëndësishëm në vend është sot një domosdoshmëri. Për këtë arsye do të bashkërendojmë punën me qeverinë për ndërtimin e kampuseve si dhe për ndërtimin e të parës Qendër të Studentëve në vendin tonë. Këto projekte jo vetëm që do të krijojnë kushte më cilësore për studentët, por do t'i japin Tiranës fytyrën e një qyteti studentor bashkëkohor.

Ndërtimi i Kampusit të konsoliduar të Universitetit të Tiranës synon shndërrimin në një hapësirë moderne të një prej zonave më energjike dhe më të rëndësishme të kryeqytetit. Ndërtimi i objekteve të reja universitare në zonën e Qytetit Studenti, integrimi i tyre me objektet ekzistuese si dhe me objektet e tjera akademike rreth tij, do të ofrojë mjedise të bollshme e moderne për universitetin çka do të rrisë jo vetëm cilësinë akademike, por edhe cilësinë e jetesës për të gjithë studentët e Universitetit të Tiranës.

Ndërkohë që Qendra e Studentëve do të jetë një qendër multifunktionale që do të ofrojë një shumëllojshmëri shërbimesh për të gjithë studentët e Tiranës. Aty do të kombinohen aktivitetet akademike me ato sociale e kulturore, të gjitha të organizuara nga vetë studentët dhe në shërbim të studentëve. Në këtë qendër do të ketë salla leximi, laboratorë kompjuterik, zyra të ndryshme që ofrojnë shërbime për studentët, mjedise çlodhëse, salla lojërash, si edhe mjedise ku mund të organizohen aktivitete të ndryshme, konferenca e ekspozita artistike. Të gjitha hapësirat e reja të kampusit universitar, si ato të brendshme dhe ato të jashtme do të konceptohen dhe shfrytëzohen si hapësira multifunktionale moderne dhe sipas standarteve duke ushqyer një jetë studentore sa më të pasur, aktive dhe të shëndetshme që rrit mirëqenien e studentëve dhe si rrjedhim performancën e tyre në mësim dhe jetë sociale.

PYLLI ORBITAL

Plani i Përgjithshëm Vendor përfshin një objektiv për mbjelljen e dy milion pemëve për të formuar pyllin orbital (Metrobosco) deri në vitin 2030. Së bashku me nevojën për rimbjelljet vjetore të parqeve dhe rrugëve ekzistuese të mëdha, ekziston nevoja për të mbjellë pemë dhe zona pyjore rreth qytetit duke krijuar një ndarje virtuale mes zonave urbane dhe periurbane për të kontrolluar në këtë mënyrë dhe zgjerimin urban. Ky projekt jo vetëm do të ndihmojë me përmirësimin dhe rritjen e hapësirave të gjelbra në gjithë qytetin dhe përmirësimin e cilësisë së ajrit e shëndetit të qytetarëve por edhe do të krijojë mundësinë për zbutjen e efekteve të ndryshimeve klimatike.

Për të realizuar me sukses këtë projekt ambicioz dhe afatgjatë janë identifikuar në hartë një sërë hapësirash të gjelbra tek të cilat do të ngrihen fidanishte të zotëruara nga Bashkia të cilat do të ndihmojnë në arritjen e objektivave vjetore të mbjellieve dhe uljen e kostove të importit dhe blerjes së fidanëve nga subjekte të jashtme.

TEATRI KOMBETAR

Kryeqyteti ka nevojë për një godinë të re të Teatrit Kombëtar që plotëson të gjitha standartet ndryshe nga ai ekzistues. Shtëpia e re e aktrimit është konceptuar të jetë si zemra kulturore e Tiranës dhe e gjithë Shqipërisë dhe e dedikuar vetëm për art. Projekti i prezantuar nga një nga

studiot më të mëdha ndërkombëtare të arkitekturës në botë, “Bjarke Ingels Grop” me qendër në Danimarkë, ofron një godinë të arkitekturës me dizajn modern dhe që krijon një hapësirë unike në qytetin e Tiranës, duke ofruar të gjitha kushtet e nevojshme dhe frymëzuese për zhvillimin e talentit të aktrimit, ashtu edhe për vetë publikun i cili mund të angazhojë imagjinatën.

Projekti gjithashtu garanton një akses të këmbësorëve që udhëtojnë nga rr. “Sermedin Said Toptani” në rrugën paralele me të. Hyrja kryesore në teatër është e mundur përmes shëtitores “Murat Toptani”, ndërsa hapësira e sheshit publik në nivelin përdhes, siguron hyrje të mbuluar në teatër, së bashku me hapësirën publike për mbledhje ose argëtim. Me ndërtimin e teatrit të ri aktorët do kenë mundësi të punojnë në ambiente kontemporane, cilësore dhe jo të dëmshme për shëndetin e tyre. Njëkohësisht edhe qytetarët do të kenë mundësi të shijojnë artin e ofruar nga artistët në ambiente të rehatshme me të gjitha kushtet që meriton të ketë një godinë e tillë.

ZGJERIMI I LUMIT LANA

Zgjerimi i lumit Lana është një projekt me rëndësi të lartë për Tiranën. Puna për zgjerimin e Lanës po vazhdon dhe Lana do të zgjatet nga Kashari deri në Shkozë. Duke vazhduar nga Lanabrgas e poshtë deri në Kashar. Duke u zgjeruar kështu 2 km në Veri e 2 km në Jug. Disiplinimi i ujrave të një lumi në territore urbane tashmë të zhvilluara, është shumë i rëndësishëm dhe ka një impakt shumë pozitiv në mjedis e komunitet. Përmes kësaj veprë madhore, qyteti do të fitojë shumë përmes disiplinimit të rrjedhës së lumit të Lanës duke ulur rrezikun e përmytjeve, por edhe për krijimin e një ambienti pozitiv. Prania e një lumi për një qytet është shumë e rëndësishme. Disiplinimi i ujrave sjell transformimin e hapësirave publike, duke i transformuar ato në vlera për lagjen duke qenë se Lana ka qënë historikisht një shenjë e rëndësishme në territorin e qytetit dhe ka dhënë drejtimet për zhvillimin e tij.

AXHENDA E GJELBËR E QYTETIT

Përmirësimi i jetës së qytetarëve është një nga motorët e punës sonë të përditshme. Mjedisi ku jetojmë me të gjithë komponentët e tij ka një impakt shumë të rëndësishëm tek ne si qytetarë por edhe brezat e ardhshëm, prandaj gjatë katër viteve të fundit kemi bërë punime intensive për të përmirësuar gjendjen aktuale të qytetit por edhe për të krijuar investime afatgjata, impakti pozitiv i të cilëve do të jetë shumë herë më i madh për fëmijët tanë, të ardhmen e këtij qyteti. Mbjellja e pemëve në kuadër dhe të pyllit orbital, korridoret e xhepat e gjelbër si dhe mbi 40 hapësirat e reja rekreative të krijuara ndihmojnë përmirësimin e cilësisë së ajrit dhe shërbejnë njëkohësisht si hapësira socializimi për qytetarët. Tashmë levizja në qytet është bërë më e lehtë dhe mbron Tiranën e së ardhmes falë 45 km korsive të reja të bicikletave si dhe përmirësimin të cilësisë së transportit publik e vendosjes së makinave elektrike, duke shmangur një ndotje të mëtejshme të ajrit që ne thithim. Vendosja e matësve të ajrit bën të mundur që cdo qytetar të masë cilësinë e ajrit që merr dhe të na bashkohet në nismat e shumta për ta përmirësuar. Krijimi i një mjedisi sa me të shëndetshëm ka qënë dhe është përparësia jonë, edukimi mjedisor dhe aktivitetet e shumta promovuese ndihmojnë me kurimin e tij e zhvillimin e një brezi që e do fort mjedisin dhe do kujdeset ndër vite për të. Tirana jonë është një qytet gjithëpërfshirës, Tirana që plotëson nevojat tona dhe të brezave të ardhshëm. Sfidat e ardhshme janë:

Përmirësimi i cilësisë së ajrit në qytet dhe reduktimit të zhurmave nëpërmjet marrjes së masave që reduktojnë ndotjen e ajrit dhe ndotjen akustike (kryesisht në sajë të përmirësimin të

menaxhimit të trafikut, shtimit të gjelbërimit dhe rritjen e kontrollit) dhe monitorimit të vazhdueshëm me qëllim dhe informimin dhe ndërgjegjësimin e qytetarëve.

Rritja e cilësisë së ujërave të lumenjve nëpërmjet uljes së shkarkimit të ujërave të zeza në lumenj e cila do vijë dhe si pasojë e zgjerimit të shërbimit të trajtimit të ujërave të zeza për ujërat e zeza bashkiake dhe industriale.

Përmirësimi i transportit publik në qytet duke investuar në infrastrukturën rrugore kryesisht në korsitë e dedikuara për autobusët e tranzitit të shpejtë (BRT) dhe korsitë e bicikletave në kuadër të projektit “Minimum Grid” dhe ndërtimin e 100 km korsi të dedikuara bicikletash.

Shtimi dhe rehabilitimi dhe rikualifikimi i hapësirave të gjelbra e rekreative, korridoreve blu dhe të gjelbër si dhe shtimin e “xhepave të gjelbër” në blloqet e banimit për të shfrytëzuar sa më mirë hapësirat e limituara të qytetit dhe krijimin e mikro-klimave të cilat ndihmojnë në zbutjen e temperaturave ekstreme në qytet.

Krijimi i 2 urave të biodiversitetit duke bërë lidhjen e gjelbër midis sistemit urban me atë periurban ndërmjet barrierave ekologjike si psh autostradat. Një prej tyre është autostrada Tiranë Elbasan që ndan qytetin dhe Parkun e Liqenit nga Pylli Orbital dhe sistemi bujqësor në pjesën jug-perëndimore.

Krijimi i fasadave dhe tarracave të gjelbra si mënyrë për të shfrytëzuar sa më mirë dhe në mënyrë inteligjente hapësirat e qytetit për të përmirësuar cilësinë e ajrit, biodiversitetin dhe peisazhin urban.

Maksimalizimi i efciences energjitike në ndërtesat publike dhe rezidenciale, infrastrukturë e transport.

Menaxhimi i burimeve në mënyrë të qendrueshme me qëllim reduktimim e mbetjeve, rritjen e riciklimit të tyre dhe përmirësimin e shërbimit të menaxhimit të integruar të mbetjeve.

Investime infrastrukturorë dhe kapacitete njerëzore të emergjencave civile për të mundësuar adaptimin ndaj ndryshimeve klimatike për të përballuar sa më mirë ngjarjet e motit ekstrem

Ngritja e mëtejshme e kapaciteteve njerëzore dhe rritjes së ndërgjegjësimit qytetar duke vijuar sidomos me programet edukative në shkolla dhe duke investuar në kulturën mjedisore të të rinjve si e ardhmja e një kryeqyteti të ndërgjegjësuar dhe European.

UNAZAT E TIRANËS

Përmirësimi i situatës së trafikut në Tiranë është një nga sfidat tona më të mëdha me të cilat kemi punuar keto 4 vite dhe do vijojmë të punojmë edhe më fort gjatë 4-vjecarit të ardhshëm. Përfundimi i Unazës së Madhe të Tiranës (Unaza 5-stë) përbën një hap të rëndësishëm drejt lehtësimit të trafikut duke qenë se shërben si bypass për transportin e mallrave larg zonës urbane. Unazat i shërbejnë mirëfunksionimit të lëvizjes duke larguar shumicën e trafikut nga zemra e qytetit. Njëkohësisht ato shkurtojnë kohën e lëvizjes duke rritur shpejtësinë dhe ulur koston e udhëtimit. Në planin tonë të lëvizshmërisë së qendrueshme për të cilën sapo kemi filluar punën, unazat do të shërbejnë si shtylla të zhvillimit duke siguruar akses në të gjitha zonat e Tiranës.

Unaza e Madhe e Tiranës përfshin në gjatësinë e saj ura, nyje dhe kryqëzime në nivel me qëllim lehtësimin e impaktit që kjo vepër e madhe infrastrukturorë do të ketë në qytet.

Sot kemi hapur një nga segmentet kryesore të Unazës së Madhe me një gjatësi prej 2.1 km, që lidh zonën e “Pallatit me Shigjeta” me Farkën, duke zgjidhur problemin e trafikut të makinave që vijnë nga sheshi “Shqiponja” dhe Kombinati në drejtim të qendrës, si dhe të atyre që udhëtojnë drejt juglindjes. Segmenti Komuna e Parisit-Shkolla Teknologjike është përshtatur për zona urbane me rrugë kryesore, rrugë paralele dhe e konceptuar si rrugë shpejtësie me 12 hyrje-dalje të disiplinuar. Për të lehtësuar qarkullimin e automjeteve dhe për të rritur sigurinë e qytetarëve, janë ndërtuar dhe katër mbikalime automjetesh në disnivel, mbikalime këmbësorësh të pajisura

dhe me ashensor për Personat me Aftesi të Kufizuar (PAK), si dhe në të dy senset e lëvizjes janë ndërtuar trotuarë dhe korsi biçikletash. Punimet e kryera me standardet më të mira europiane përfshijnë ndërtimin e plotë të sistemit të ujësjellës-kanalizimeve, vendosjen e sinjalistikës vertikale dhe horizontale, instalimin e plotë të ndriçimit rrugor si dhe shtimin e gjelbërimit.

Mirëfeksionimi i Unazës së Vogël të Tiranës, Unazës së Ndërmjetme dhe Unazës së Madhe do të çlirojnë qendrën e Tiranës nga trafiku duke e ndryshuar destinacionin e një pjese të rrugëve në hapësira pedonale dhe të lëvizjes me biçikletë.

Unazat do të rrisin cilësinë e lëvizjes, por edhe rëndësinë e Tiranës si një qytet ndërlidhës për të gjithë rajonin duke lejuar kalimin e natyrshëm nga akset lindore në ato veriore e perëndimore dhe duke larguar trafikun e tranzitit ndërurban nga qendra e qytetit.

Përfundimi i segmentit jug-perëndimor së Unazës së Madhe me të cilin angazhohemi për 4 vitet e ardhshme, do të ndihmojë në mirë-menaxhimin e trafikut tranzit e të gjithë rajonit lindor në drejtim të aeroportit Nënë Tereza si edhe portin e Durrësit. Ky investim siguron jo vetëm me pak kohë të humbur në trafik por edhe përmirësimin e cilësisë së ajrit i cili impaktohet në mënyrë direkte nga trafiku i rënduar. Realizimi në të ardhmen i segmentit verior do të marrë një rëndësi të vecantë sepse do të shërbejë gjithashtu si një portë hyrëse në qytet dhe do të ndërlidhet me rrugën e Arbrit.

KAPITULLI III PARASHIKIMET BUXHETORE AFATMESME 2020 – 2022

Burimet e financimit të buxhetit për Bashkinë e Tiranës, përbëhen nga:

- I. Të ardhurat e veta;
- II. Transferta e pakushtëzuar e përgjithshme;
- III. Transferta e pakushtëzuar sektoriale;
- IV. Huamarrja e qeverisjes vendore;

III. 1. PARASHIKIMI I TË ARDHURAVE TË VETA BASHKISË SË TIRANËS PËR PERIUDHËN 2020-2022

Për vitin 2020 të ardhurat nga taksat e tarifat vendore janë parashikuar në vlerën e 14,624,246,000 lekë, me një rritje prej 9.5 % krahasuar me parashikimin e vitit 2019.

Në vija të përgjithshme parashikimi i të ardhurave për vitet 2020 - 2022, paraqitet me këto vlera:

Lloji i të ardhurave	Plan 2019	në lekë		
		Parashikimi 2020	Parashikimi 2021	Parashikimi 2021
Të ardhura të taksueshme	8,972,750,000	10,017,826,000	9,420,602,000	9,428,304,200
Të ardhura jo tatimore	4,386,280,000	4,606,420,000	4,708,187,000	4,792,903,000
Total të ardhura	13,359,030,000	14,624,246,000	14,128,789,000	14,221,207,200
Transferta e pakushtëzuar e përgjithshme	2,348,723,419	2,424,942,357	2,740,160,004	2,927,708,309
Transferta e pakushtëzuar sektoriale	1,159,433,601	1,176,039,602	1,250,000,000	1,300,000,000
Total Transferta	3,508,157,020	3,600,981,959	3,990,160,004	4,227,708,309
Te mbartura	1,500,000,000	2,178,800,000	0	0
Totali	18,367,187,020	20,404,027,959	18,118,949,004	18,448,915,509

Referuar legjislacionit dhe vendimeve të Këshillit Bashkiak, për paketën fiskale vendore të Bashkisë Tiranë, për mbledhjen e të ardhurave janë përcaktuar edhe strukturat përkatëse, si më poshtë:

- Drejtoria e Përgjithshme e Taksave dhe Tarifave Vendore;
 - Tirana Parking;
 - Strukturat e Aparatit të Bashkisë;
 - Agjentët tatimorë.
- Drejtoria e Përgjithshme e Taksave dhe Tarifave Vendore, është struktura kryesore për mbledhjen dhe rakordimin e të gjitha të ardhurave të Bashkisë së Tiranës, e cila administron plotësisht procesin e mbledhjes së të ardhurave nga taksat e tarifat vendore për kategorinë e bizneseve; si dhe arkëton dhe ndjek procesin e rakordimit për të ardhurat që mbledhen nga struktura të tjera të Bashkisë dhe nga Agjentët Tatimorë.

- Tirana Parking, është struktura e specializuar vetëm për mbledhjen e tarifës së parkimit sipas VKB Nr.48 datë 11.11.2016 “Për krijimin e Tirana Parking si institucion në varësi të Bashkisë Tiranë për administrimin e shërbimit të parkimit publik me pagesë”.
- Strukturat e Aparatit të Bashkisë janë të angazhuara në administrimin e tarifave të shërbimit që aplikon vetë institucioni si dhe në taksat që zbatohen direkt prej tyre, arkëtimi i të cilave bëhet me tej nga Drejtoria e Përgjithshme e Taksave dhe Tarifave Vendore.
- Agjentët tatimorë të përcaktuar sipas ligjit dhe vendimeve të Këshillit Bashkiak, janë:
 - Drejtoria Rajonale Tatimore, për arkëtimin e Tatimit të Thjeshtuar mbi Fitimin e BV;
 - DRSHTRR, për arkëtimin e taksës vjetore të mjeteve të përdorura;
 - Agjencia Shtetërore e Kadastrës, për arkëtimin e taksës për kalimin e së drejtës së pronësisë për pasuritë e paluajtshme;
 - Ujësjiellës Kanalizime Tiranë Sha, për arkëtimin e taksës së ndërtesës, taksës së përkohshme për infrastrukturën arsimore dhe tarifës së pastrimit nga kategoria Familjarë;

Në mënyrë të detajuar parashikimi i të ardhurave nga taksat dhe tarifave vendore të Bashkisë Tiranë, për periudhën 2020-2022, paraqiten si më poshtë:

TAKSA VENDORE

A) Taksa mbi ndërtesën

Taksa e pasurisë është ndër burimet më me peshë në buxhetin e Bashkisë Tiranë dhe përbën 13 % të totalit të të ardhurave të veta.

Me ndryshimet e fundit ligjore, të datës 1 Prill 2018, taksa e ndërtesës është rikonceptuar, duke u mbështetur tashmë tek vlera e ndërtesave. Niveli i taksës i shprehur në përqindje si për ndërtesat që përdoren për qëllime banimi edhe për ndërtesat që shfrytëzohen për veprimtari ekonomike, aplikohet mbi vlerën e ndërtesës (çmimi i shumëzuar me sipërfaqen) në masën respektivisht 0.05% dhe 0.2%.

Për këtë qëllim, Ministria e Financave dhe Ekonomisë nëpërmjet Drejtorisë së Përgjithshme të Taksës së Pasurisë, në bashkëpunim me institucione të tjera qendrore si, OSHEE, Drejtoria e Përgjithshme e Gjendjes Cicile, Agjencia Shtetërore e Kadastrës, etj., kanë patur detyrimin e ngritjes së bazës së të dhënave, krijimin e Kadastrës Fiskale, si informacioni bazë i domosdoshëm për përlllogaritjen dhe mbledhjen e të ardhurave nga taksa e ndërtesës.

NJQV janë të ngarkuar me përditësimin e të dhënave të pasqyruar në programin e kadastrës fiskale si dhe me ngarkimin e të dhënave të reja mbi bazën e vetëdeklarimit të qytetarëve apo me verifikimin e saktësimin e informacioneve në terren dhe pasqyrimin e saktë në programin e kadastrës fiskale.


Për Bashkinë e Tiranës, struktura përgjegjëse për arkëtimin e detyrimit për këtë taksë nga subjektet që realizojnë aktivitet ekonomik në territorin e Bashkisë Tiranë, është Drejtoria e Përgjithshme e Taksave dhe Tarifave Vendore, ndërsa për detyrimet e kategorisë familjarë, është

përzgjedhur si Agjent Tatimor Ujësjetës-Kanalizime Tiranë sh.a, me vendim të Këshillit Bashkiak dhe rregulluar sipas Marrëveshjes së Bashkëpunimit nr. 25505 datë 21.06.2019.

Nëpërmjet strukturës së DPTTV, Bashkia Tiranë ka aplikuar taksën e ndërtesës sipas ndryshimeve ligjore, për kategorinë e ndërtesave që shfrytëzohen për aktivitet ekonomik që prej hyrjes në fuqi të ligjit. Gjatë vitit 2018, kjo taksë ka arritur nivelin maksimal të arkëtimit, për kategorinë biznese. Për këtë kategori, performanca në mbyllje të vitit 2019 parashikohet të jetë rreth 4 % më shumë se në vitin 2018 si më poshtë:

në lekë

Taksa mbi pasurinë	2014	2015	2016	2017	2018	I pritshmi 2019
Biznesi	726,837,103	795,276,949	1,356,525,315	1,457,892,780	1,586,349,438	1,654,310,914




Për sa i përket kategorisë së ndërtesave që shfrytëzohen për banim, për shkak të mangësive thelbësore në databazën e Kadastrës Fiskale, që e bënin të pamundur implementimin e taksës mbi bazë të vlerës, Bashkia e Tiranës ka angazhuar agjentin tatimor për të krijuar bazën e të dhënave, në përputhje me rradhën e prioriteteve të përcaktuara në Vendimin nr.132, datë 07.03.2018 “Për metodologjinë për përcaktimin e vlerës së taksueshme të pasurisë së paluajtshme “ndërtesa”, e bazës së taksës për kategori specifike, natyrën dhe prioritetin e informacionit dhe të dhënave për përcaktimin e bazës së taksës, si dhe të kriterëve dhe rregullave për vlerësimin alternativ të detyrimit të taksës”. Agjenti Tatimor, i cili ka krijuar një strukturë të posaçme për përmbushjen e këtij detyrimi, ka marrë masat për plotësimin e bazës së të dhënave për faturimin, bazuar fillimisht në vetdeklarimet e qytetarëve pranë zyrave të agjentit tatimor, duke lënë edhe një afat brenda të cilit do të bëheshin këto deklarime. Për familjet që nuk kanë vetdeklaruar brenda afatit të vendosur, faturimi do të bazohet në pikën 2.1, të nenit nr.2 të Vendimin nr.132, datë 07.03.2018, në sipërfaqjen e prezumuar, deri në momentin e deklarimit të të dhënave të sakta të pasurisë.

Për sa më sipër, në bazë të afateve të vendosura, aplikimi i taksës sipas sistemit mbi bazë vlere, do të fillojë në dhjetor 2019, kur do të faturohet detyrimi për muajin nëntor 2019.

Më poshtë paraqitet realizimi në vite i të njëjtës taksë për kategorinë familjare:

në lekë

Taksa mbi pasurine	2014	2015	2016	2017	2018	I pritshmi 2019
Familjare	29,918,994	16,879,527	116,857,519	216,542,796	228,647,177	244,805,746



Planifikimi i të ardhurave për periudhën 2020 – 2022 merr në konsideratë ndryshimet ligjore për këtë taksë. Planifikimi për kategorinë e bizneseve është bërë në bazë të të dhënave të DPTTV, ndërsa për kategorinë familjare në bazë të një vlerësimi paraprak, sipas të dhënave aktuale që disponohen nga baza e të dhënave e krijuar nga Agjenti Tatimor.

Në vitin 2020, të ardhurat nga taksa e ndërtesës janë parashikuar në vlerën 2,689,000,000 lekë. Në këtë parashikim përfshihen të ardhurat nga kategoria familjare dhe kategoria e biznesit, si më poshtë:

në lekë

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Taksa mbi pasurinë e paluajtshme	2,410,000,000	2,689,000,000	2,770,000,000	2,840,000,000
- Familjarët	510,000,000	769,000,000	870,000,000	900,000,000
- Subjektet Tregtare	1,900,000,000	1,920,000,000	1,900,000,000	1,940,000,000

B) Taksa e ndikimit në infrastrukturë nga ndërtimet e reja


Taksës së ndikimit në infrastrukturë nga ndërtimet e reja i nënshtrohen të gjitha subjektet që kërkojnë të pajisen me leje zhvillimore dhe leje ndërtimi për objekte banimi, administrative, prodhimi, shërbimi e tjera.

Struktura e ngarkuar për këtë taksë është Drejtoria e Përgjithshme e Planifikimit dhe Zhvillimit të Territorit, e cila ndërkohë që pranon kërkesat, i shqyrton ato dhe pas miratimit nga Titullari, kryen edhe zbardhjen e kësaj leje kundrejt arkëtimit më parë të vlerës në masën sipas përcaktimeve ligjore.

Realizimi i të ardhurave nga taksa e ndikimit në infrastrukturë nga ndërtimet e reja paraqitet me një pritshmëri të realizimit rreth 15% më të lartë se në vitin 2018. Realizimi i të ardhurave nga kjo taksë tejkalon planin e miratuar si rrjedhojë e aplikimeve përtej parashikimeve nga struktura përgjegjëse.

në lekë

	2014	2015	2016	2017	2018	I pritshmi 2019
Taksa e ndikimit në infrastrukturë nga ndërtimet e reja	1,004,842,547	128,325,090	1,234,029,324	3,334,882,679	5,398,328,978	6,070,000,000



Vlen të theksohet se në bazë vjetore, volumi i ndërtimit nuk ka ndryshime të theksuara nga periudha përpara vitit 2017, c'ka do të thotë që rritja në nivelin e arkëtimit ka ardhur si rezultat i ndryshimit të bazës së taksueshme. Suksesi i mbledhjes së kësaj takse si në vitin 2018 dhe në vitin 2019, duke patur parasysh se cmimet në qytetin e Tiranës nuk janë rritur por rezultojnë krahasueshmërisht të njëjta tregon se kjo taksë nuk ka patur asnjë impakt tek qytetari, por ka ulur deri diku fitimin e zhvilluesve, por jo aq sa të disincentivojë apo ulë interesin e tyre për zhvillim. Pra është arritur një balancë midis “vullnetit për të paguar” të biznesit të ndërtimit dhe volumit të ndërtimit që krijon hapësirë rezidenciale për dhjetra mijëra rezidentët e rinj që i shtohen çdo vit Tiranës.

Referuar vlerësimeve të drejtorisë përgjegjëse pritet që ecuria e arkëtimit të jetë nën nivelin e dy viteve të fundit. Kjo për arsye se të ardhurat nga kjo taksë parashikohet të mbështeten kryesisht në zhvillimet e reja që pritet ti shtohen Tiranës në zonën e mirëplanifikuar të Bulevardit të Ri, ku është miratuar edhe Plani i Detajuar Vendor nga Këshilli Kombëtar i Territorit – plan ky që i hap rrugë zhvillimit. Konkretisht për vitin 2020 dhe në vijim 2021 dhe 2022, parashikimet për këtë taksë, paraqiten si më poshtë:

në lekë

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Taksa e ndikimit në infrastrukturë nga ndërtimet e reja	4,000,000,000	4,300,000,000	4,100,000,000	4,000,000,000

C) Taksa e përkohshme për infrastrukturën arsimore.


Taksës së përkohshme për infrastrukturën arsimore i nënshtrohen të gjitha familjet, personat fizikë ose juridikë, vendas ose të huaj, që banojnë dhe ushtrojnë veprimtari ekonomike brenda territorit të Bashkisë së Tiranës.

DPTTV arkëton detyrimin e kësaj takse nga subjektet që realizojnë aktivitete ekonomike në territorin e Bashkisë Tiranë, ndërsa detyrimi nga kategoria familjarë arkëtohet nga agjenti tatimor i përzgjedhur për këtë qëllim, Ujësjetllës-Kanalizime Tiranë sh.a.

Taksa e përkohshme e infrastrukturës arsimore ka një realizueshmëri të kënaqshme që nga koha e hyrjes në fuqi, në vitin 2016, si për kategorinë biznese edhe për kategorinë familjarë. Të dhënat e ecurisë paraqiten në tabelën më poshtë:

në lekë

Lloji i të ardhurave	2016	2017	2018	I pritshmi 2019
Taksa e përkohshme për infrastrukturën arsimore	495,950,390	681,927,166	730,095,161	743,086,820
- Familjarët	141,429,000	266,244,300	286,498,987	298,750,000
- Subjektet Tregtare	354,521,390	415,682,866	443,596,174	444,336,820



Për periudhën 2020 – 2022, parashikimi i të ardhurave nga kjo taksë e përkohshme, është si vijon:

në lekë

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Taksa e përkohshme për infrastrukturën Arsimore	860,000,000	813,571,000	829,842,000	846,439,000
Familjarët	310,000,000	313,571,000	319,842,000	326,239,000
Subjektet Tregtare	550,000,000	500,000,000	510,000,000	520,200,000

Në paketën fiskale të vitit 2020, është parashikuar të diferencohet, kategoria biznes i vogël me xhiro 0-2 milionë lekë, për të lehtësuar barrën fiskale të kësaj kategorie. Për këtë arsye parashikimi i të ardhurave për 2020 e në vijim afektohet me ulje rreth 50 milionë lekë krahasimisht me vitin 2019. Për të gjitha kategoritë e tjera niveli i taksës nuk pëson ndryshime.

D) Taksa e tabelës.

Vendosja e tabelës për qëllim identifikimi është detyrim për të gjithë subjektet, me përjashtim të ambulanteve, subjekteve të transportit dhe profesionet e lira.


Taksa e tabelës përbëhet :

- I. Tabelë për qëllime identifikimi të trupëzuara ose jo brenda territori ku zhvillon veprimtarinë e biznesit dhe që nuk përdoret për të reklamuar veprimtarinë e të tretëve (ku shënohet emri dhe ose aktiviteti i biznesit:
 - ✓ Tabelë deri në 2 m²;
 - ✓ Tabelë mbi 2 m²;
- II. Tabelë për qëllime identifikimi jashtë territorit ku zhvillohet veprimtaria e biznesit në formën dhe përmasat e tabelës për orientim.
- III. Tabelë për qëllime reklamimi e lëvizshme/e palëvizshme deri në tavanin 35 m²:
 - ✓ Tabelë e thjeshtë me/pa ndricim;
 - ✓ Tabelë elektronike.
- IV. Tabelë në funksion të ekspozimeve të ndryshme të hapura, panairë, spektakle, stenda reklamuese, banderola, etj. (të të gjitha përmasave)

Ecuria e taksës së tabelës ndër vite është përgjithësisht e qëndrueshme edhe pse arkëtimet nga kjo taksë varen nga përdorimi i tabelave reklamuese nga ana e bizneseve, i cili është i ndryshueshëm në varësi të zgjedhjes së biznesit për të reklamuar ose jo në një vit të caktuar. Realizimi në vite pasqyrohet në tabelën më poshtë:

në lekë

	2014	2015	2016	2017	2018	I pritshmi 2019
Taksa e tabelës dhe reklamës	227,080,832	225,377,938	309,949,842	345,930,032	307,879,375	309,784,785



Referuar realizimit të pritshëm të të ardhurave për vitin 2019, nivelit të taksës së miratuar sipas ligjit, si dhe vlerësimeve paraprake mbi përdorimin e tabelave reklamuese, parashikimi i të ardhurave për vitet 2020 – 2022, paraqitet në tabelën si më poshtë:

në lekë

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Taksa e tabelës	400,250,000	320,255,000	336,260,000	342,265,200
Tabelë identifikuese/sinjalizuese	250,000	255,000	260,000	265,200
Tabelë reklamuese	400,000,000	320,000,000	336,000,000	342,000,000

E) Taksa për fjetjen në hotel


Struktura e ngarkuar për mbledhjen e kësaj takse është Drejtoria e Përgjithshme e Taksave dhe Tarifave Vendore. Llogaritja e kësaj takse, bazuar në legjislacionin në fuqi, bëhet sipas ndarjes në dy kategori:

- Subjekte Hoteleri me 4 – 5 yje me nivel takse për 350 lekë/dhoma;
- Subjekte Hotele, Bujtime, Fjetinë, Motel dhe çdo njësi tjetër akomoduese sipas përcaktimeve të ligjit për turizmin në nivel takse për 140 lekë/dhoma

Megjithë problemet për shkak të mosplotësimit të kuadrit ligjor në vlerësimin mbi bazë yjesh për hotelet, gjatë vitit 2019 pritet të ketë një rritje prej 18% në krahasim me arkëtimet e vitit 2018.

në lekë

	2014	2015	2016	2017	2018	I pritshmi 2019
Taksa e fjetjes në Hotel	42,060,817	50,480,613	67,327,716	83,170,711	98,004,072	115,296,214



Bazuar në të dhënat historike të realizimit të arkëtimit, parashikimi i të ardhurave nga taksa e fjetjes në hotel për vitet 2020 - 2022, paraqitet si më poshtë:

në lekë

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Taksa e fjetjes në hotel	85,000,000	100,000,000	102,000,000	104,000,000


F) Taksa mbi truallin

Baza e taksës mbi truallin është sipërfaqja e truallit në m², në pronësi apo përdorim të taksapaguesit.

Sipërfaqja e truallit në pronësi përcaktohet sipas dokumenteve që e vërtetojnë atë. Në rast të mungesës së dokumentacionit të pronësisë, përdoruesi i truallit bën një vetëdeklarim të sipërfaqes së truallit në përdorim.

në lekë

	2016	2017	2018	I pritshmi 2019
Taksa mbi Truallin	36,828,390	52,741,453	55,345,234	58,569,504



Bashkitë ndodhen në mungesë të bazës së të dhënave për këtë taksë si dhe në pritje të akteve ligjore përcësuese për taksimin e truallit, si një taksë qendrore për t'u aplikuar nga njësitë vendore dhe si rrjedhim, planifikimi bazohet në të dhëna historike dhe trendin vjetor përkatës të ndryshimeve të arkëtimit.

Për vitet 2020 – 2022, parashikimi të ardhurave nga kjo taksë jepet në tabelë:

në lekë

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Taksa mbi truallin	60,000,000	60,000,000	60,000,000	61,200,000

G) Taksa mbi tokën bujqësore.

Baza e taksës mbi tokën bujqësore është sipërfaqja e tokës bujqësore, në hektar, në pronësi të taksapaguesit. Sipërfaqja e tokës në pronësi përcaktohet sipas dokumenteve që e vërtetojnë atë. Për çdo kategori minimale të tokës bujqësore, Këshilli Bashkiak mund të miratojë nën-kategorizime. Vlera e taksës në lekë/hektar/vit, miratuar me akte ligjore sipas bashkive dhe kategorisë së tokës, paraqitet në tabelë:

Kategoritë e tokës bujqësore	Lekë/ha/vit
I	5 600
II	4 900
III	4 200
IV	3 600

V	3 000
VI	2 400
VII– X	1 800

Aktualisht, në mungesë të një baze të dhënash mbi tokën bujqësore, planifikimi bazohet në të dhënat historike të arkëtimit dhe trendit vjetor përkatës të ndryshimeve të arkëtimit për këtë taksë. Bashkia e Tiranës është duke realizuar regjistrin e fermerëve të Tiranës, çka në vijim do të jetë një bazë e mirë të dhënash jo vetëm për t'u ardhur në ndihmë fermerëve, por dhe për efekt të taksimit të drejtë, bazë mbi të cilën është parashikuar një rritje në nivelin e arkëtimit nga kjo taksë për vitet në vijim.

	2016	2017	2018	në lekë I pritshmi 2019
Taksa mbi tokën bujqësore	6,717,317	22,667,724	22,757,271	24,591,175



Parashikimi i të ardhurave nga taksa mbi tokën bujqësore për vitet 2020 –2022, paraqitet si më poshtë.

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Taksa mbi tokën Bujqësore	50,000,000	50,000,000	50,000,000	51,000,000

AGJENTËT TATIMORË JASHTË BASHKISË TIRANË

H) Taksa e kalimit të së drejtës së pronësisë për pasuritë e paluajtshme.


Mbledhja e kësaj takse realizohet nga strukturat e Agjencia Shtetërore e Kadastrës, agjent tatimor që përfiton edhe 3% të shumës së arkëtuar.

Të dhënat për parashikimin e kësaj takse merren nga Agjencia Shtetërore e Kadastrës e cila finalizon dhe evidenton të gjitha rastet e transkriptimit të pronës duke llogaritur detyrimin si për llojin e pronësisë por dhe vlerën e detyrimit mbi bazën e sipërfaqes së taksueshme. Kështu detyrimi për banesat është në nivelin 1.000 lekë/m² dhe për objektet e biznesit është 2.000 lekë/m². Numri i objekteve që transkriptohen është i lidhur ngushtë me lejet e shfrytëzimit të lëshuara nga njësitë vendore për objektet e përfunduara por dhe nga ALUIZNI për ato të legalizuara.

Ecuria në vite për këtë taksë paraqitet në tabelën e mëposhtme:

në lekë

	2014	2015	2016	2017	2018	I pritshmi 2019
Taksa mbi kalimin të drejtës pronësisë për pasuritë e paluajtshme	240,109,009	325,790,581	366,078,762	299,939,349	326,192,912	319,725,525



Bazuar në ecurinë faktike të viteve të kaluara dhe në informacionin nga Agjencia Shtetërore e Kadastrës, parashikimi për vitet 2020 – 2022, paraqitet si më poshtë:

në lekë

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Taksa mbi kalimin të drejtës pronësisë për pasuritë e paluajtshme	300,000,000	320,000,000	320,000,000	320,000,000

D) Taksa vjetore e mjeteve të përdorura

E ardhura nga taksa, mbledhet nga strukturat e Drejtorisë së Përgjithshme të Shërbimeve të Transportit Rrugor (Drejtoria Rajonale Tiranë) para kryerjes së kontrollit teknik vjetor të detyrueshëm të mjetit.

Procedura e ndarjes së të ardhurave me buxhetet e njësive të qeverisjes vendore përcaktohet me vendim të Këshillit të Ministrave, bazuar në numrin e mjeteve të regjistruara sipas njësive të qeverisjes vendore por e konvertuar në përqindje, në masën 25 % e të ardhurave të realizuara për çdo muaj nga agjentët tatimor DPSHTRR.

Realizimi i të ardhurave nga taksa e mjeteve të përdorura deri në vitin 2019, paraqitet në tabelen e mëposhtme:

	2014	2015	2016	2017	2018	në lekë I pritshmi 2019
Taksa vjetore e mjeteve të përdorura	279,468,676	229,126,388	280,082,106	285,325,027	406,962,488	428,311,003



Parashikimi për vitet 2020 – 2022, paraqitet si vijon:

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Taksa vjetore e mjeteve të përdorura	380,000,000	420,000,000	420,000,000	420,000,000

J) Tatimi mbi të ardhurat personale

Të ardhurat nga tatimi mbi të ardhurat personale të NJQV përfaqësojnë vlerën 2% e totalit të të ardhurave nga Tatimi mbi të ardhurat personale që arkëtohet nga Drejtoria e Përgjithshme e Tatimeve.

Vlen të bëjmë me dije se për vitet 2018 dhe 2019, nuk është evidentuar asnjë e ardhur nga ky burim, ku strukturë mbledhëse është DPT, edhe pse ligji ka hyrë në fuqi që më 1 janar 2018. Nga shpjegimet që kemi marrë nga strukturat përgjegjëse në Ministrinë e Financave dhe Ekonomisë, nuk është arritur finalizohen udhëzimet dhe procedurat për këtë qëllim gjë që do të bëhet i mundur së shpejti. Gjithashtu kjo Ministri ka konfirmuar kalimin e të gjithë detyrimit të viteve të mëparshme dhe vitik korent, brenda vitit 2020.

Kështu, përr vitin 2020 është parashikuar të bëhet arkëtimi i pjesës së të ardhurave të mbledhura që nga viti 2018.

Bashkia e Tiranës, për vitet 2020 – 2022, nisur nga llogaritjet e përafërta mbi përkatësinë e pjesës takuese nga totali i parashikuar nga DPT, ka parashikuar të ardhurat për BT, si më poshtë:

në lekë

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Taksa mbi të ardhurat personale	257,500,000	775,000,000	262,500,000	270,000,000

K) Tatim i thjeshtuar mbi fitimin për biznesin e vogël.

Çdo biznes, i cili realizon gjatë vitit fiskal një qarkullim më të vogël ose të barabartë me 8,000,000 (tetë milionë) lekë, i nënshtrohet detyrimit të pagesës së tatimit të thjeshtuar mbi fitimin për biznesin e vogël.

Shkalla tatimore e aplikueshme mbi fitimin e tatueshëm, për tatimpaguesit që i nënshtrohen tatimit të thjeshtuar mbi fitimin e biznesit të vogël, me qarkullim vjetor nga 5 (pesë) deri në 8 (tetë) milionë lekë, është 5%. Tatimi i thjeshtuar mbi fitimin, për tatimpaguesit me qarkullim vjetor nga 0 (zero) deri në 5 (pesë) milionë lekë, është 0 (zero) lekë në vit.

Struktura e ngarkuar për vjeljen e taksës vendore mbi biznesin e vogël është Drejtoria e Përgjithshme e Tatimeve nëpërmjet drejtorive rajonale tatimore të cilat transferojnë të ardhurat nga TTHF e biznesit të vogël në llogarinë e Bashkisë së Tiranës sipas afateve të përcaktuara në ligj.

Bazuar në ecurinë e mbledhjes së tatimit parashikimi për vitet 2020 – 2022, paraqitet si më poshtë:

në lekë

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Tatimi Thjeshtuar mbi Fitimin e BV	170,000,000	170,000,000	170,000,000	173,400,000

TARIFA VENDORE

L) Tarifa e pastrimit dhe largimit të mbeturinave.


Tarifës së Pastrimit i nënshtrohen të gjithë familjet, personat fizikë ose juridikë, vendas ose të huaj, që banojnë dhe ushtrojnë veprimtari ekonomike brenda territorit të Bashkisë së Tiranës.

Tarifa e pastrimit dhe largimit të mbeturinave mblidhet nga dy struktura, përkatësisht nga Drejtoria e Përgjithshme e Taksave dhe Tarifave Vendore për kategorinë e biznesit dhe Ujësjellës – Kanalizime Tiranë Sha për kategorinë familjarë.

Që prej vitit 2012 e në vijim tarifa e pastrimit dhe largimit të mbeturinave mblidhet nga agjenti tatimor UKT Sha, periudhë e cila shënon një rritje të ndjeshme të të ardhurave nga kjo tarifë, megjithëse jo në nivelin e kapacitetit. Si pasojë e reformimit të UKT sha, forcimit të administratës së institucionit dhe shtrirjes së kontrollit në të gjithë territorin e ri të Bashkisë së Tiranës, në vitin 2016 u arkëtuan thuajse dyfishi i të ardhurave të vitit 2015 nga kjo tarifë, ose 1.9 herë më shumë. Arkëtimi ka vijuar në nivele të qëndrueshme duke shënuar nivelin më të lartë në vitin 2018, ku përfshihen edhe disa detyrime të prapambetura të viteve të mëparshme që UKT sha nuk kishte arkëtuar pranë Bashkisë së Tiranës.

Paraqitja në vite e mbledhjes së këtyre të ardhurave është si më poshtë:


	2014	2015	2016	2017	2018	I pritshmi 2019
Tarifa e pastrimit Familjarë	339,808,610	353,205,579	680,162,260	660,070,341	743,133,619	693,920,826



Lidhur me tarifën e pastrimit dhe largimit të mbeturinave nga kategoria biznesi, vihet re një ecuri pozitive që tregon një ritëm në rritje të arkëtimeve në tre vitet e fundit, si rrjedhim i mirëadministrimit të saj nga strukturat e DPTTV.

E njëjta taksë për kategorinë “subjekte tregtare” paraqitet në tabelën dhe grafikun në vijim:

	2014	2015	2016	2017	2018	në lekë I pritshmi 2019
Tarifa e pastrimit Subjekte	469,930,528	478,459,466	929,032,867	1,055,409,334	1,141,146,525	1,158,703,118



Për vitin 2020-2022, parashikimet për tarifën e pastrimit janë mbështetur në ndryshimet në paketën fiskale të Bashkisë Tiranë.

Në bazë të analizës së kostos së shërbimit të pastrimit dhe përpunimit të mbetjeve është evidentuar një diferencë e theksuar mes kostos së shërbimit dhe të ardhurave të arkëtuara për mbulimin e tij. Ky ndryshim është ndikuar kryesisht për shkak të hyrjes në fuqi të kontratës së inceneratorit në vitin 2018, në bazë të PPP të realizuar nga Qeveria Shqiptare dhe që po zbatohet nga Bashkitë e qarkut të Tiranës. Gjithashtu një rritje e konsiderueshme vërehet edhe në koston operative vjetore të Bashkisë Tiranë për menaxhimin e këtij shërbimi.

Për sa më sipër është vlerësuar e nevojshme rishikimi i nivelit të tarifës për të gjitha kategoritë, në mënyrë që të lehtësohet mbulimi i kostove të cilat janë në rritje çdo vit, pa arritur mbulimin total të saj, dhe në mënyrë të tillë që të mos ketë një rritje të theksuar në barrën fiskale të kategorive duke synuar një shpërndarje të drejtë të kësaj barre në përputhje me impaktin që secila prej këtyre kategorive mbart.

Parashikimi i të ardhurave nga subjektet e biznesit është mbështetur në kapacitetin e taksapaguesve që përfaqësojnë numrin e subjekteve aktive të evidentuara dhe nivelin e tarifës për vitin ushtrimor, në të ardhurat që trajtohen nga strukturat e DPTTV që do të kryejnë në kohë njoftimet e subjekteve për detyrimin por në veçanti do të ndjekin edhe mbledhjen e tyre.

Për kategorinë familjarë parashikimi është bazuar në munrin e familjeve raportuar nga Agjenti tatimor.

Vlerësimet për planifikimin janë realiste bazuar në numrin real të subjekteve paguese, për të dy kategoritë.

Për vitin 2020-2022, parashikimi i arkëtimit të tarifës së pastrimit për kategorinë familjarë dhe subjektet tregtare, paraqitet si më poshtë:

në lekë

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Tarifa e pastrimit	2,070,000,000	2,175,320,000	2,218,827,000	2,263,204,000
- Familjarët	730,000,000	779,440,000	795,028,000	810,929,000
- Subjektet Tregtare	1,340,000,000	1,395,880,000	1,423,799,000	1,452,275,000

Sic vërehet në tabelën e mësipërme planifikimi për vitin 2020 është 17 % më i lartë se ai në vitin 2019, për arsyet e shpjguara më sipër.

M) Tarifa për zënien e hapësirave publike.

Tarifa për zënien e hapësirave publike llogaritet për sipërfaqen në m² të shfrytëzuar nga subjekti për ushtrimin e aktivitetit të indeksuar sipas zonës së vendndodhjes dhe nivelit të taksës për njësi të miratuar nga Këshilli Bashkiak.

Tarifa për zënien e hapësirave publike përbëhet nga:

- Zënia e hapësirës publike me kangjella, platforma, vazo, etj
- Zënia e hapësirës publike në tregjet publike.
- Zënia e hapësirës publike për organizimin e spektakleve ose panairove të ndryshme.

Arkëtimet nga tarifa e zënies së hapësirës publike janë rritur në mënyrë të qëndrueshme, që pas ndryshimeve në vitin 2016.

në lekë

	2014	2015	2016	2017	2018	I pritshmi 2019
Tarifa per zenien e hapesirave publike	60,465,809	65,713,463	280,234,642	345,627,823	386,489,538	392,613,863



Parashikimi i të ardhurave të kësaj tarife për vitet 2020 - 2022, është si më poshtë:

në lekë

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Tarifa për zënien e hapësirave publike	420,000,000	420,000,000	430,000,000	438,800,000
Tarifa për zënien e hapësirave publike me platforma betoni, kangjella.	400,000,000	400,000,000	410,000,000	418,400,000
Tarifa për zënien e hapësirave në tregjet publike	20,000,000	20,000,000	20,000,000	20,400,000

N) Tarifa e parkimit.

Tarifa për parkimin e automjeteve në vend parkime publike përfaqëson pagesën e shërbimit që ofron Bashkia Tiranë për vendqëndrime të mjeteve kundrejt biletës, atyre të rezervuara dhe për taksitë e licensuara.

Me qëllim evidentimin dhe ndjekjen operacionale të parkimit, territori i Bashkisë Tiranë është detajuar në zona tarifore sipas tipologjive, me qëllim vendosjen dhe vjeljen e tarifës së shërbimit të parkimit publik me pagesë – mbështetur në karakteristikat funksionale të tyre.

Krahasuar me vitet e kaluara, arkëtimi i tarifës së parkimit për vitin 2018 ka një rritje të ndjeshme kryesisht nga pagesat e parkimit (të ardhurat) me SMS, si rrjedhojë e riorganizimit të strukturave, mënyrës së arkëtimit dhe evidentimit në kohë të përdoruesve të parkimit në rrugët me pagesë por dhe në sheshet e miratuara për parkim. Në vitin 2019 arkëtimet janë në të njëjtin nivel si viti 2018.

Realizimi në vite dhe pritshmëria për vitin 2019, paraqiten në tabelën si më poshtë:

në lekë

	2014	2015	2016	2017	2018	I pritshmi 2019
Tarifa e parkimit	67,899,565	71,628,038	205,901,190	338,295,014	454,788,832	459,878,564



Parashikimet për arkëtimin e tarifës së parkimit për vitet 2020 - 2022, si më poshtë. Rritja e parashikuar bazohet në shtimin e dy shesheve të reja si Sheshi Italia dhe Parkimi Publik 2 kate nën tokë në rrugën e Elbasanit si dhe rrugë të tjera që pritet të shtohen në sistemin e tarifimit zona C.

në lekë


Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Tarifa e parkimit të automjeteve	570,000,000	617,200,000	648,060,000	680,463,000
Parkim me kontratë	140,000,000	154,000,000	161,700,000	169,785,000
Parkim me bileta	430,000,000	463,200,000	486,360,000	510,678,000

O) Tarifa për shqyrtimin e kërkesës për leje për punime

Tarifa paguhet në masën 1% të vlerës së investimit, për çdo aplikim për leje zhvillimi, infrastrukture dhe ndërtimi sipas përcaktimeve të legjislacionit në fuqi për planifikimin e territorit.

në lekë

	2016	2017	2018	I pritshmi 2019
Tarifa për shqyrtimin e kërkesës për leje për punime	186,913,234	188,375,674	462,929,640	450,000,000



Parashikimi për vitet 2020 – 2022, paraqitet si më poshtë:

në lekë

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Tarifa për shqyrtimin e kërkesës për leje për punime	280,000,000	368,000,000	351,000,000	343,000,000

P) Të ardhura të tjera.


Në të ardhurat e tjera përfshihen të ardhurat nga qeratë e ndërtesave dhe trojeve, të ardhura nga penalitete administrative apo gjoba të vendosura nga DPTTV apo strukturave të tjera si Policia Bashkiake, Agjencia për Mbrojtjen e Konsumatorëve, etj. Gjithashtu këtu përfshihen edhe të ardhura destinacioni i të cilave nuk identifikohet që në momentin e arkëtimit dhe shpërndahen rast pas rasti pas rakordimeve që realizohen nga DPTTV.

Q) Të ardhura nga pagesat për kopshte, çerdhe e konvikte.

Për fëmijët që frekuentojnë kopshtet dhe çerdhet paguhet tarifa mujore, e cila përbëhet nga tarifa për ushqimin që llogaritet me tarifën ditore dhe ditët e frekuentimit të fëmijës gjatë një muaji.

në lekë

	2016	2017	2018	I pritshmi 2019
Të ardhura Drejtoria e Përgjithshme e Çerdheve dhe Kopshteve	159,466,560	172,962,563	188,452,835	193,006,458
Pagesa për kopshtet e fëmijëve	103,679,539	112,529,983	119,123,817	122,311,374
Pagesa për çerdhet e fëmijëve	55,787,021	60,432,581	69,329,019	70,695,084



Parashikimi i të ardhurave për vitet 2020 – 2022, si më poshtë vijon:

në lekë


Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Pagesa për kopshtet e fëmijëve	150,000,000	143,000,000	153,000,000	153,000,000
Pagesa për çerdhet e fëmijëve	99,000,000	78,500,000	102,000,000	104,040,000

Struktura e ngarkuar për mbledhjen e tarifave është Drejtoria e Përgjithshme e Çerdheve dhe Kopshteve

Të ardhurat e mbledhura nga pagesat e konvikteve të shkollave të mesme si më poshtë:

në lekë

	2016	2017	2018	I pritshmi 2019
Pagesa për konviktet e Shkollave të Mesme	5,104,995	5,747,030	6,744,125	7,000,000



Parashikimi i të ardhurave nga pagesa në Konviktet e Shkollave të Mesme, për vitet 2020 – 2022, paraqitet si më poshtë:

në lekë

Lloji i të ardhurave	Plani 2019	Parashikimi 2020	Parashikimi 2021	Parashikimi 2022
Pagesa per Konviktet e Shkollave te Mesme	6,000,000	6,500,000	6,800,000	6,936,000

III.2. Transfertat nga Buxheti i Shtetit

Transferta e Pakushtëzuar


Transfertat e pakushtëzuara, që buxheti qendror i transferon pushtetit vendor, përfshijnë fondet për përballimin e veprimtarive dhe të funksioneve që përcaktohen në aktet ligjore dhe nënligjore në fuqi. Transfertat e pakushtëzuara shpërndahen ndërmjet njësive të pushtetit vendor sipas formulës së paraqitur në ligjin nr. 68 datë 27.04 2017 "Për financat e vetqeverisjes vendore" si dhe udhëzimeve plotësues.

Transferta e pakushtëzuar për Bashkinë e Tiranës në periudhën 2015 – 2020 paraqitet si vijon:

në mijë lekë

	2015	2016	2017	2018	2019	2020
Transferta e pakushtëzuar	1,339,286	1,531,459	1,913,120	2,138,631	2,348,723	2,424,942

Grafikisht:



Transferta e pakushtëzuar nga Buxheti i Shtetit për vitin 2020, është në masën 2,424,942,360 lekë, me një rritje prej 3.2 %, krahasimisht me vitin e mëparshëm. Transferta përbën 12% të të ardhurave për vitin 2020.

Për vitet 2021-2022, transferta e pakushtëzuar, referuar parashikimeve të Ministrisë së Financave, do të rritet respektivisht me 13 % dhe 6.8% në vit.

Transferta e pakushtëzuar duhet t'u sigurojë Njësive të Qeverisjes Vendore diferencën mes kostos së ushtrimit të funksioneve (nevojat për shpenzime) dhe të ardhurave që ato krijojnë në mënyrë të pavarur (kapaciteti fiskal).

Në vitin 2020, ashtu sikurse edhe në vitin 2019, transferta e pakushtëzuar do të përdoret për financimin e shpenzimeve operative dhe kapitale, e ndarë respektivisht në 40% për shpenzimet kapitale dhe 60% për shpenzimet operative.

Transferta e Pakushtëzuar Sektoriale

Funksionet e reja që iu transferuan bashkive në vitin 2016, me Ligjin nr. 139 datë 17.12.2015, "Për Vetëqeverisjen Vendore" si Transferta Specifike do të vazhdojnë të financohen edhe në buxhetin e vitit 2020 nëpërmjet Transfertës së pakushtëzuar sektoriale . Më konkretisht:

- Konviktet e arsimit parauniversitar
- Shërbimi i mbrojtjes nga zjarri dhe shpëtimi (MZSH)
- Personeli mësimor dhe jomësimor në arsimin parashkollor dhe personeli jomësimor në arsimin parauniversitar
- Rrugët rurale
- Administrimi i pyjeve
- Ujitja dhe kullimi
- Klubet sportive shumësportëshe , "Partizani" dhe "Studenti"

Transferta e Kushtëzuar

Fondet e kushtëzuara për financimin e funksioneve të deleguara, nuk miratohen si pjesë përbërëse e buxhetit të njësite vendore, por reflektohen në dokumentin e realizimit të buxhetit, si fonde të administruara nga njësitë vendore. Sipas akteve ligjore në fuqi, funksione të deleguara në pushtetin vendor janë:

Shërbimi i gjendjes civile si funksion i deleguar i detyrueshëm, parashikimi i shpenzimeve për paga, sigurime shoqërore, shpenzime operative dhe investime bëhen nga bashkitë, në bazë të kuotave dhe udhëzimeve më të detajuara që bëhen nga Ministria e Brendshme. Numri i punonjësve dhe kuotat përkatëse për këtë funksion përcaktohen nga Ministria e Punëve të Brendshme.

Qendrat e Rregjistrimit të Bizneseve, si funksion i deleguar i detyrueshëm, parashikimi i shpenzimeve për paga, sigurime shoqërore dhe shpenzime operative bëhet nga bashkitë, në bazë të kuotave dhe udhëzimeve që bëhen nga Ministria e Ekonomisë, Tregtisë dhe Energjetikës.

Përkrahja sociale, si funksion i deleguar i detyrueshëm, Ministria e Shëndetësisë dhe Mbrojtjes Sociale detajon në fillim të vitit fondet për përkrahjen sociale për çdo njësi të qeverisjes vendore, në mënyrë specifike për ndihmën ekonomike dhe për pagesën e paaftësisë.

Fondi i Zhvillimit të Rajoneve

Fondi për Zhvillimin e Rajoneve është një mekanizëm financiar konkurrues që mbështet politikën kombëtare të zhvillimit rajonal dhe vendor, për të siguruar zbatimin e objektivave të politikës së kohëzimit territorial, për të patur rajone me zhvillim të balancuar, konkurruese dhe me zhvillim të qëndrueshëm ekonomik, social e mjedisor.

Fondet për Infrastrukturën Vendore dhe Rajonale, të parashikuara si program buxhetor në Fondin Shqiptar të Zhvillimit, janë një mekanizëm financiar konkurrues që mbështet politikën kombëtare të zhvillimit rajonal dhe vendor. Specifikimet, rregullat, kriteret për financimin e projekteve si dhe shpërndarja e Fondit për Infrastrukturën Vendore dhe Rajonale për financimin e projekteve të reja kryhen nga Këshilli Drejtues i Fondit Shqiptar të Zhvillimit. Subjektet aplikuese dhe zbatuese për fondet e programit Infrastruktura Vendore dhe Rajonale janë njësitë e vetëqeverisjes vendore. Zbatimi i projekteve të miratuara me vendim të Këshillit Drejtues të Fondit Shqiptar të Zhvillimit është përgjegjësi parësore e autoriteteve kontraktuese, të cilët zbatojnë projektet, sipas rregullave dhe akteve ligjore e nënligjore përkatëse.

Fondi Shqiptar i Zhvillimit administron nevojat dhe propozimet nga njësitë e vetëqeverisjes vendore, qendrore dhe aktorë të tjerë (përfshirë FSHZH dhe njësitë e zhvillimit rajonal të tij) që konsistojnë në projekte në interes dhe në funksion të zhvillimit lokal e rajonal, përfshirë edhe projekte zhvillimore me natyrë ekonomike, të zbatuara në partneritet midis FSHZH dhe njësite të vetëqeverisjes vendore dhe subjekte të tjera.

Të gjitha projektet në vazhdim që Bashkisë Tiranë i janë miratuar me fonde të akorduara nga FZHR (2016-2019) jo vetëm në programin e Menaxhimit të Rrugëve por dhe në programin e Arsimit Parauniversitar & Edukimi apo Ujitjes dhe Kullimit kanë përfunduar.

III.3. Burime te tjera financimi / Donacione

I. Donatorë vendas dhe të huaj

Duke vlerësuar çdo potencial financimi dhe mbështetje të drejtpërdrejtë për kërkesat, nevojat dhe projektet e Bashkisë Tiranë në kuadrin e bashkëpunimit dhe marrëdhënieve me donatorët lokalë: vendas dhe të huaj që kanë përfaqësitë e tyre këtu në Shqipëri si UNDP, OSBE, trupat diplomatike/ambasadat, etj, institucione të ndryshme brenda dhe jashtë vendit, bashki binjake në botë, etj si dhe me partneritetin publik-privat në kuadër të përgjegjësisë sociale të bizneseve dhe korporatave; Bashkia Tiranë, ka gjetur mbështetjen e shumë donatorëve. Këto donacione janë realizuar nëpërmjet financimit të tyre në forma të ndryshme si: sponsorizime, dhurime, grante, ndihma humanitare, ofrim shërbimesh, konsulenca, marrëveshje bashkëpunimi, etj.

Nisur nga fillimi i mandatit , në vitin 2015, Bashkia Tiranë ka arritur të sigurojë fonde donatore në vlerën 1,565,383,910 lekë për projekte specifike dhe ka finalizuar 1543 kontrata/marrëveshje të frytshme për financimin dhe realizimin e projekteve të ndara sipas fushave të mëposhtme:

në lekë

Nr.	Emërtimi i bashkëpunimit/ projektit donator	Numri i Kontrata ve	Vlera e donacioneve
1	Projekti "Adopto një çerdhe" dhe "Adopto një kopsht"	228	214,924,667
2	Projekti i gjelbërimit, mbjelljet e reja në Tiranë, mobilim urban, rehabilitim i mjediseve publike, etj	781	380,159,459
3	Projektet e investimit në infrastrukturë, shkolla, rrugë, sinjalistike, etj	179	440,564,901
4	Dhurim automjete, pajisje, kompjutera, etj	101	124,631,263
5	Ndihma humanitare, projekte sociale, kulturore, etj	162	69,551,810
6	Marrëveshje Bashkëpunimi, Programe Financimi, Grante, etj	92	335,551,810
Totali		1,543	1,565,383,910

- Projekti "Adopto një çerdhe" dhe "Adopto një kopsht" janë ndër projektet që kanë përthithur brenda një kohe të shkurtër donatorë të ndryshëm, kompanitë e ndërtimit apo biznese të ndryshme, pa harruar edhe qytetarë të thjeshtë, të cilët kanë ofruar kontributin e tyre për përmirësimin e kushteve dhe ambjenteve për mirëritjen e fëmijëve. Ndërhyrjet në këto ambjente kanë qenë të shumta e të konsiderueshme. Këto ndërhyrje kanë përfshirë procese të ndryshme si: heqjen e lagështirës, rikonstruksione të pjesshme, lyerje të mureve të brendshme dhe të jashtme, vendosje kondicionerësh, mobilime të ndryshme në krevatë, dyshekë, tavolina, karrike e shumë e shumë produkte të tjera, kompletimi i tualeteve si dhe kuzhinave me pajisje bashkëkohore të përshtatshme dhe të miratuara për përdorim për fëmijët e secilës grup-moshë. Gjithashtu ndërhyrje ka pasur edhe në ambientet e jashtme të kopshteve e çerdheve, ndërhyrje që kanë konsistuar në: sistemime territori, rregullimi i trotuareve, lyerje fasade, mbjellje frutash, perimesh, lule, vendosja e këndeve të lojrave, etj. Në këtë kuadër janë realizuar 228 kontrata me donatorët dhe është

përthithur shuma prej 214,924,667 lekësh, duke siguruar ndërhyrjen në pothuaj të gjitha këto godina.

- Një projekt tjetër i realizuar me donatorë, iniciuar nga Bashkia Tiranë dhe që gjeti menjëherë mbështetjen e gjerë të të gjithë qytetarëve dhe banorëve në kryeqytet, institucioneve, organizatave vendase dhe të huaja, ambasadave, bizneseve, banorëve të pallateve, nxënësve nëpër shkolla etj është dhurimi i bimësisë dhe drurëve dekorativë për shtimin e gjelbërimit në Tiranë dhe zgjerimin e kurorës së gjelbër të Pyllit Orbital. Për rehabilitimin e lulishteve, mbjellje të ndryshme në parqet dhe rrugët e Tiranës, sipas planifikimit për pyllëzimin e Tiranës dhe rritjen e frymëmarrjes së kryeqytetit, mobilim urban, etj, në bashkëpunim dhe koordinim të nevojave dhe zbatimit të tyre me APR dhe Drejtoria e Përgjithshme e Pastrimit dhe Gjelbërimit, si dhe në kuadër të nismave: “Pyllëzimi i Tiranës”, “Luaj@Tirana”, “Mbill pemën tënde”, “Dhuro një pemë”, “Dhuro një stol”, “Mbill një pemë në parkun/lagjen tënde” dhe “Vendos një stol në lagje apo në park”, janë realizuar 781 kontrata për projekte me fonde donatore në vlerën 380,159,459 lekë.
- Projektet e investimit në infrastrukturë, në kuadër të mbështetjes së donatorëve kanë konsistuar në ndërhyrjet e realizuara për rikonstrukcione të shkollave (hidroizolim tarracës, rehabilitim të lagështirës së klasave, rregullim të suvasë, të tualeteve, vendosje të sistemit ngrohës, paisje me kompjutera, mobilje, mjete mësimore si edhe laboratorët, rehabilitimi i këndeve sportive dhe palestrave, etj) duke i bërë këto ambjente të një standarti bashkëkohor. Të shumta kanë qenë ndërhyrjet për: rehabilitime në rrugë, vendosjen e sinjalistikave apo kangjellave mbrojtëse, instalimin e ndriçimit të teknologjisë inteligjente LED, risuvatimin e fasadave të pallateve, risistemimin e shtratit të lumenjve apo urave të ndryshme, etj. Këto ndërhyrje i kanë ndryshuar jo vetëm pamjen kryeqytetit, por kanë ndikuar edhe në përmirësimin e cilësisë së jetës për qytetarët. Me mbështetjen e donatorëve Bashkia Tiranë ka përmirësuar kushtet në godinat e Rezidencës Studentore Universitare Nr. 1 dhe Rezidencës Studentore Universitare Nr. 2, duke krijuar ambjente bashkëkohore akomodimi, studimi e argëtimi. Përveç ndërhyrjes për rikonstrukcion, rregullim të fasadave, dyerve, dritareve, meremetim të ambjenteve të brendshme, në godinat e RSU1 e RSU2 është bërë edhe sistemimi i ambjenteve të jashtme, mbjellja e pemëve, si dhe pajisja e një pjese të konsiderueshme të dhomave me shtretër e mobilje të reja. Donatorët kanë qenë të shumtë, ata kanë ofruar jo vetëm mbështetjen e tyre financiare, por edhe eksperiencën e përkushtimit për të përmbushur me profesionalizëm projekte të ndryshme specifike sipas fushës, në të cilën operojnë dhe në mbështetje të nevojave për ndërhyrje dhe projekte të Bashkisë Tiranë. Janë finalizuar 179 kontrata me donatorët për projekte në infrastrukturë dhe është përthithur shuma e financimit në vlerën 440,564,901 lekë.
- Donatorët, në kuadër të përgjegjësisë sociale, duke u ofruar si; biznese, korporata apo dhe individë, u janë përgjigjur pa hezitim nismave të Bashkisë Tiranë për të ndihmuar shtresat në nevojë si: fëmijët dhe familjet në nevojë apo në situatë rruge, personat me aftësi të kufizuar e në pamundësi ekonomike, të moshuarit, apo çdo familje në Tiranë e gjendur në kushtet e emergjencave. Të shumtë kanë qenë donatorët në mbështetje të nismës “Solidaritet për dëmet e tërmetit”, promovuar nga Bashkia Tiranë që u janë gjendur pranë banorëve të dëmtuar në një kohë rekord me; çadra (si një strehim i përkohshëm), pako ushqimore, veshje, këpucë, elektroshtëpiake etj. Të tjerë donatorë kanë kontribuar e vazhdojnë të kontribojnë për plotësimin e nevojave në magazinat e emergjencave të qytetit apo për realizimin e aktiviteteve bamirëse e komunitare dhe të

furnizimit të përditshëm me ushqime në mençat sociale të qytetit. Janë mbyllur me sukses deri sot 162 kontrata për mbështetjen e shtresave në nevojë në territorin e Bashkisë Tiranë në vlerën donatore prej 69,551,810 lekë.

- Nga donatorë të ndryshëm është siguruar mbështetje, që përfshin: pajisje të ndryshme në ndihmë të administratës së policisë bashkiake, zjarrfikëseve, institucioneve të varësisë apo drejtorive të aparatit të Bashkisë Tiranë, në kuadër të përmirësimit të shërbimeve ofruar qytetarëve dhe qytetit. Janë finalizuar donacionet me nënshkrimin e 101 kontratave në vlerën 124,631,263 lekë.
- Në kuadër të marrëveshjeve të bashkëpunimit për financimin dhe mbështetjen e nevojave dhe projekteve të ndryshme të Bashkisë Tiranë për investime, ndërhyrje në infrastrukturë, asistencë teknike apo ngritje kapacitetesh, studim fizibiliteti të standardit evropian etj, janë përthitur fonde në formë granti dhe financimesh të ndryshme. Janë realizuar 92 marrëveshje që arrijnë fondin prej 335,551,810 lekë.

II. Investime të huaja dhe projekte strategjike

Bashkia Tiranë, në vijim të aplikimeve për financimin me investitorë të huaj dhe për realizimin e projekteve strategjike nëpërmjet thirrjeve dhe programeve e projekteve të bashkëpunimit ndërkufitar e ndërkombëtar, bilateral e multilateral, Komisionin Evropian, organizma financimi me afate zbatimi afatgjata, ka arritur të fitojë disa projekte dhe të lidhë Marrëveshje Bashkëpunimi me potencial financimi të konsiderueshme, si dhe është në pritje të rezultateve të seleksionimit për disa prej tyre.

Nr	Projekte në faze Aplikimi Programi	Projekti
1	Cooperazione Italiana	Projekti per Emergjencat Civile
2	Eu for Municipalities	Projekt per Rinine
3	Erasmus+	Projekt per Waste Management System
4.	Creative Europe	EuropART (Projekt për dhomën e Artizanëve në Tiranë)
5	Horizon 2020	Command Projekt për Emergjencat Civile
6	“Adriatic-Ionian Programme INTERREG V-B Transnational 2014-2020”,	SIMPA Zgjidhje të qëndrueshme dhe inovative për levizshmërinë në rajonin ADRION
7	“Adriatic-Ionian Programme INTERREG V-B Transnational 2014-2020”,	CIRCLE - Circular Innovation and Resilient City Labs in the Adrion Region
8	IPA CBC IT-AL-MON	Innovative Model For Young Artists Cross Border Laboratory (Fame)

9	IPA CBC IT-AL-MON	Civic Energy Future: Sustainable Local Energy Communities (Lec)
10	IPA CBC IT-AL-MON	Fostering Interfaith Dialogue and Enhancing Cross-border Religious Tourism (INTERFIDE-CRT)
Projekte në fazë Implementimi		
1	City to City	Hazardous Waste Management
2	Ipa CBC Thematic	Përmirësimi I integruar I sistemit të ujësjellësit
3	Ballkan Med 2014-2020	AIRTHINGS "Fostering resource efficiency and climate change resilience through community based Air Quality Internet of Things"
4	Ballkan Med 2014-2020	BAS "Stimulating Citizens to Recycle Process Through the Impementation of Benefit Systems – Benefit As you Save),
5	"Adriatic-Ionian Programme INTERREG V-B Transnational 2014-2020",	SMILE (<i>FirSt and last Mile Inter-modal mobiLity in congested urban arEas of Adrion Region</i>)

III.4 PARASHIKIMI I SHPENZIMEVE PËR PERIUDHËN 2020 -2022

Shpenzimet e përgjithshme të Bashkisë së Tiranës për periudhën 2020-2022, për të gjitha funksionet parashikohen respektivisht në masën 20,404,027,959 lekë, 18,118,949,004 lekë dhe 18,448,915,509 lekë.

Në parashikimet e tre viteve buxhetore është përfshirë edhe fondi që planifikohet të mbartet nga vitet paraardhëse . Fondet e mbartura përbëjnë fondet e papërdorura në vitin respektiv të arkëtimit të tyre, ku përfshihen të ardhurat nga dy burime financimi, të ardhurat e veta dhe transfertat e pakushtëzuar.

Shpenzimet e përgjithshme të Bashkisë së Tiranës për vitet 2020-2022, parashikohen të ndara sipas programeve buxhetore si më poshtë:

në lekë

Funksioni	Plan 2019	Plan 2020	% ne strukturë	Plan 2021	Plan 2022
1 Organet ekzekutive dhe legjislativë, çështjet financiare, fiskale, dhe çështjet e brendshme	2,638,295,743	2,848,867,330	14%	2,926,417,276	2,877,235,336
2 Shërbime të huamarrjes vendore	150,000,000	338,767,306	2%	351,336,960	341,497,723
3 Shërbime policore	425,923,471	470,482,000	2%	465,982,000	466,782,000
4 Shërbime të mbrojtjes ndaj zjarrit	186,137,227	634,632,940	3%	318,472,590	258,359,417
Çështje të përgjithshme ekonomike, tregtare dhe të punës	110,109,650	174,950,106	1%	116,045,660	111,393,240
6 Bujqësia, pyjet, peshkimi dhe gjuetia	329,931,403	392,724,796	2%	276,911,976	267,807,976
7 Transporti	3,558,507,146	3,435,624,989	17%	2,430,967,294	2,174,877,005
8 Industri të tjera	15,000,000	50,215,947	0%	15,000,000	6,600,000
9 Menaxhimi i mbetjeve	1,553,226,458	1,925,564,551	9%	2,027,691,071	2,027,691,071
10 Urbanistika	949,646,391	1,475,995,950	7%	1,418,942,935	1,120,904,086
11 Zhvillimi i komunitetit	3,204,231,368	3,060,187,356	15%	2,673,759,807	2,821,644,654
12 Ndriçimi i rrugëve	240,000,000	310,000,000	2%	264,000,000	316,800,000
13 Shërbimet rekreative dhe sportive	279,239,193	294,548,575	1%	243,378,000	250,005,800
14 Shërbimet kulturore	342,257,664	426,440,470	2%	319,548,000	319,438,000
15 Arsimit bazë dhe parashkollor	2,975,211,102	2,613,616,342	13%	1,968,837,195	1,965,202,750
16 Arsimit parauniversitar	932,800,474	1,350,600,304	7%	1,816,253,920	2,637,792,131
17 Sëmundje dhe paafësi	15,671,400	15,600,000	0%	15,600,000	15,600,000
18 Familje dhe fëmijët	212,346,187	238,130,720	1%	209,804,320	209,284,320
19 Papunësia	25,000,000	25,000,000	0%	25,000,000	25,000,000
20 Strehimi	83,652,142	132,078,277	1%	45,000,000	45,000,000
21 Fondi rezerve	120,000,000	150,000,000	1%	150,000,000	150,000,000
22 Fondi i Kontigjencës	20,000,000	40,000,000	0%	40,000,000	40,000,000
TOTALI	18,367,187,020	20,404,027,959	100%	18,118,949,004	18,448,915,509


II. 1 Shpenzimet sipas klasifikimit ekonomik

Shpërndarja sipas klasifikimit ekonomik është bërë si më poshtë, ku peshën më të madhe e zënë shpenzimet operative dhe ato kapitale me 71%.

në lekë

	Shpenzimet sipas klasifikimit	Plan 2019	Plan 2020	%	Plan 2021	Plan 2022
1	Shpenzime personeli	5,583,643,353	5,940,486,972	29%	5,940,486,972	5,940,486,972
2	Shpenzime të tjera operative	5,759,316,261	7,185,591,699	35%	6,795,757,335	6,923,123,129
3	Shpenzime kapitale	7,024,227,406	7,277,949,288	36%	5,382,704,697	5,585,305,408
	TOTALI	18,367,187,020	20,404,027,959	100%	18,118,949,004	18,448,915,509

Paraqitje grafike e realizimit të shpenzimeve të vitit 2020:



Raporti mes shpenzimeve korente dhe atyre kapitale është respektivisht 64% me 36% për vitin 2020.

II.4.1 Shpenzimet kapitale

Për vitin 2020 fondi total për shpenzime kapitale është në shumën 7,277,949,288 lekë ose 36% ndaj totalit të shpenzimeve. Për vitet 2021 dhe 2022, buxheti i investimeve parashikohet respektivisht 5,382,704,697 lekë dhe 5,585,305,408 lekë.

Tabela më poshtë paraqet fondin e shpenzimeve kapitale për vitet 2020-2022, sipas programeve buxhetore:

Funkzioni	në lekë				
	Plan 2019	Plan 2020	% ne strukturë	Plan 2021	Plan 2022
1 Organet ekzekutive dhe legjislativë, çështjet financiare, fiskale, dhe çështjet e brendshme	176,373,443	160,132,245	2%	170,922,611	60,500,000
2 Shërbime policore	0	4,500,000	0%	0	0
3 Shërbime të mbrojtjes ndaj zjarrit	20,973,738	175,545,479	2%	28,000,000	28,000,000
4 Çështje të përgjithshme ekonomike, tregtare dhe të punës	14,299,900	31,112,106	0%	17,207,660	12,555,240
5 Bujqësia, pyjet, peshkimi dhe gjuetia	11,760,000	13,060,000	0%	0	0
6 Transporti	2,664,380,412	2,442,855,756	34%	1,366,091,103	1,005,754,253
7 Industri të tjera	0	16,792,930	0%	0	0
8 Urbanistika	793,363,319	1,267,283,400	17%	1,239,230,385	961,056,086
9 Zhvillimi i komunitetit	2,005,024,071	1,750,843,156	24%	1,458,942,807	1,606,827,654
10 Shërbimet rekreative dhe sportive	123,713,298	68,959,575	1%	9,000,000	9,000,000
11 Shërbimet kulturore	29,942,071	33,270,070	0%	1,200,000	200,000
12 Arsimit bazë dhe parashkollor	997,846,199	897,498,179	12%	249,450,000	237,713,833
13 Arsimit parauniversitar	168,807,613	375,506,515	5%	841,160,131	1,662,698,342
14 Familje dhe fëmijët	3,933,200	8,511,600	0%	1,500,000	1,000,000
15 Strehimi	13,810,142	32,078,277	0%	0	0
TOTALI	7,024,227,406	7,277,949,288	100%	5,382,704,697	5,585,305,408

II.4.2. Shpenzime për Personelin

Kërkesat gjithnjë e në rritje, problematikat por edhe sfidat që ndeshen për mirëmenaxhimin e territorit të qytetit të Tiranës si dhe zgjerimin e funksioneve të reja të transferuara së fundmi, kërkojnë rritjen e numrit të personelit në Aparatin e Bashkisë së Tiranës dhe disa prej njësive organizative në varësi të këtij institucioni.

Ky miratim është i nevojshëm duke marrë në konsideratë faktorët e mëposhtëm:

- Rritjen e efijencës dhe e performancës së strukturave organizative.
- Përmirësimin e procedurave dhe respektimin e afateve procedurale.
- Përmirësimin e shërbimit ndaj qytetarëve dhe rritjen e besueshmërisë ndaj institucionit.
- Koordinimin e administrimit territorial.
- Realizimin e plotë të objektivave.
- Maksimizimin e luftës kundër evazionit fiskal.

Numri i punonjësve i Bashkisë Tiranë do të shtohet në total me 350 (treqindë e pesëdhjetë) punonjës, nga të cilët 97 punonjës janë nga transferata e pakushtëzuar sektoriale. Efektet financiare të shtesës së numrit të punonjësve për vitin 2020 të reflektuar në buxhet për BT janë 250,217,484 Lekë t

Drejtoria e Përgjithshme e Pastrimit dhe Gjelbërimit

Mungesa e numrit të nevojshëm të punonjësve ka sjellë mbingarkesën e punës për punonjësit e Drejtorisë së Përgjithshme e Pastrimit dhe Gjelbërimit për të realizuar detyrat e pastrimit dhe të gjelbërimit të qytetit, pasi shpesh herë vetë punëtorët e gjelbërimit janë të detyruar të angazhohen në pastrimin e mbetjeve të realizuar gjatë punës së tyre, apo edhe pastrimin e mbeturinave në rastet kur për punëtorët e pastrimit nuk është e mundur prezenca për të realizuar këto detyra në vend dhe në kohë.

Drejtoria e Pastrimit të Qytetit, sipas grafikut të miratuar nga Drejtoria e Përgjithshme e Pastrimit dhe Gjelbërimit të Punëtorëve të Qytetit kryen shërbime në:

Sip. totale për Njesitë Administrative 4.397.072 m²

Sip. totale për 13 ish Komunat 1.590.000 m²

Sip. totale për Lulishtet 154.999 m²

Sip. totale për Autostradën 105.000 m²

Sip. totale për Tregjet 284.412 m²

Sip. totale për Lumin Lana 104.039 m²

Norma ditore për një punëtor në firma private është 6.000 m², ndërsa norma ditore për një punëtor në Drejtorinë e Pastrimit të Qytetit është aktualisht 41.472 m².

Drejtoria e Zhvillimit dhe e Mirëmbajtjes së Gjelbërimit të Qytetit ka në inventarin e saj lulishte, sheshe, gjelbërim rrugor, kosha, stola dhe basene ujore. Shtimi i sipërfaqeve të gjelbërta kërkon shtim të numrit të fuqisë punëtore.

Duke menduar të mbahet i njëjti rritëm pune dhe cilësisë së shërbimit propozohet të shtohen në total 10 (dhjetë) punonjës, për shkak të fluksit të lartë të punëve që përballon kjo drejtori.

Efektet financiare të aplikimit të shtesës në numrin e punonjësve për vitin 2020, për Drejtorinë e Përgjithshme e Pastrimit dhe Gjelbërimit, do të jenë 5,807,524 Lekë.

Drejtoria e Përgjithshme e Rrugëve dhe Ndriçimit Publik

Fokusi dhe objektivi kryesor i punës së Drejtorisë së Përgjithshme e Rrugëve dhe Ndriçimit Publik qëndron në:

mirëmbajtjen me efikasitet të rrugëve rurale, sipas inventarit të tyre dhe administrimin e ujrave në të gjitha njësitet administrative; mirëmbajtjen e rrjetit të ndriçimit publik dhe vënien në efikasitet 100% të rrjetit semaforëve dhe sinjalistikës rrugore, në të gjitha njësitet administrative; përballimin e të gjithë situatave të përditshme dhe emergjente, që realizohen me mjetet aktuale dhe shtesë të transportit, të disponueshme në parkun e makinerive të drejtorisë, për mirëmbajtje, ndriçim-sinjalistikë, kullim, rrugë rurale.

Rritja e volumit të punës, bashkëpunimet me struktura e tjera brenda institucionet sjell si domosdoshmëri një riorganizim të Drejtorisë së Përgjithshme e Rrugëve dhe Ndriçimit Publik. Për realizimin e këtyre objektivave, parashikohet një shtesë të numrit të përgjithshëm të punonjësve prej 20 (njëzetë) persona.

Efektet financiare të aplikimit të shtesës në numrin e punonjësve për vitin 2020, për Drejtorinë e Përgjithshme e Rrugëve dhe Ndriçimit Publik, do të jenë 13,520,687 Lekë.

Drejtoria e Përgjithshme e Ndërtesave Publike

Objektivat që Drejtorinë e Përgjithshme e Ndërtesave Publike kërkon të realizojë për t'iu përgjigjur më mirë sfidës që ka sjellë reforma administrative territoriale, përmes zgjerimit të territorit dhe shtimit të numrit të objekteve shkolla, kopshte, çerdhe, ndaj të cilave kërkohet shërbim mirëmbajtje, sjell të nevojshëm kërkesën për shtim të numrit të punonjësve.

Për shkak të mbulimit të objekteve shkollore me shërbimin roje dhe sanitar është rritur kërkesa për këto shërbime. Pë këtë arsye propozohet shtimi në total prej 37 (tridhjetë e shtatë) punonjësish specifikisht 20 (njëzet) sanitarë dhe 17 (shtatëmbëdhjetë) punonjës.

Efektet financiare të aplikimit të shtesës në numrin e punonjësve për vitin 2020, për Drejtorinë e Përgjithshme e Ndërtesave Publike, do të jenë 10,528,632 Lekë.

Drejtoria e Përgjithshme e Taksave dhe Tarifave Vendore

Për shkak të volumit të punëve propozohet shtyrja e periudhës së Kontratës së Punës për 10 punonjës të cilët kishin lidhur marrëdhëniet e punës me Drejtorinë e Përgjithshme të Taksave dhe Tarifave Vendore me afat të përcaktuar (Shkurt-Dhjetor 2019), duke filluar nga data 01.01.2020-31.12.2020.

Efektet financiare të aplikimit të shtesës në numrin e punonjësve për vitin 2020, për Drejtorinë e Përgjithshme e Taksave dhe Tarifave Vendore do të jenë 7,100,028 Lekë.

Drejtoria e Përgjithshme e Çerdheve dhe Kopshteve

Referuar analizimit dhe vlerësimit të situatës aktuale në çerdhe dhe kopshtet publike në territorin e Bashkisë të Tiranës propozohet një shtesë në numrin e përgjithshëm të Drejtorisë së Përgjithshme

e Çerdheve dhe Kopshteve për vitin 2020 prej 33 (tridhjetë e tre) punonjësish dhe 27 (njëzet e shtatë) personel mësimorë dhe ndihmës nga arsimi parashkollor.

Efektet financiare të aplikimit të shtesës prej 33 punonjësve për vitin 2020, për Drejtoria e Përgjithshme e Çerdheve dhe Kopshteve do të jenë 19,871,176 Lekë.

Efektet financiare të aplikimit të shtesës prej 27 punonjësve për vitin 2020, personel mësimorë dhe ndihmës nga arsimi parashkollor do të jenë 16,424,754 Lekë.

Agjensia e Parqeve dhe Rekreacionit

Zhvillimi, administrimi dhe mirëmbajtja e parqeve, mbrojtja e kurorave të gjelbra brenda territorit të Bashkisë së Tiranës janë disa nga detyrat funksionale të APR-së. Këtu përmendim mirëmbajtja e pjesës jugore të PMLAT (bimësi, korsi vrapimi dhe bicikletash, pedonale), realizuar sipas projektit të Bashkisë, mirëmbajtja e parqeve të reja Farkë, Kashar, Vaqarr dhe pyllit orbital me proceset e punës (kositje e barit, prerje ferrash, krasitje të drurëve dekorativë, ujtja e sipërfaqeve të gjelbëra dhe bimësisë dekorative, evadimi i mbeturinave të grumbulluara, kryerja e shërbimeve fitosanitare spërkatja me pesticide dhe herbicide, plehërim kimik). Gjithashtu shtimi I disa aktiviteteve apo rritja e volumit të punës të proceseve si:

- Mirëmbajtja e Shesheve rekreative si dhe parqeve ekzistuese
- Shtimi i aktiviteteve rekreative
- Mbjedhje dhe shtimi i bimësisë
- Kerkesës në rritje për trajtimin e bimësisë dekorative
- Mirëmbajtjen e infrastrukturës

Ndaj për të ruajtur e rritur cilësinë e shërbimit per vitin 2020 kërkohet shtim i numrit të punonjësve të kësaj agjensie në total 15 (pesëmbëdhjetë) punonjës.

Efektet financiare të aplikimit të shtesës në numrin e punonjësve për vitin 2020, për Agjensinë e Parqeve dhe Rekreacionit do të jenë 8,699,603 Lekë.

Agjencia e Mbrojtjes së Konsumatorit

Referua ndryshimeve të pësuara në dispozitat ligjore mbi të cilën bazohen kompetencat institucionale, ligjit nr.9902, datë 17.04.2008 “Për mbrojtjen e konsumatorëve” ndryshuar me Ligjin nr.71/2018, datë 18.10.2018, zbatimin rigoroz të detyrave të lëna nga Kontrolli i Lartë i Shtetit shikohet si domosdoshmëri një riorganizim i strukturës së Agjencisë së Mbrojtjes së Konsumatorit si më poshtë vijon:

- Ndarjen e Sektorit të Kontrollit të Ndotjeve nga Sektori i Kontrollit të Shërbimit të Transportit Publik, pra shtimin e një sektori.
- Rekrutim të burimeve të reja, me qëllim që të bëhet i mundur Kontrolli i Shërbimit të Transportit Publik përgjatë gjithë kohëzgjatjes që shërbimi ofrohet për qytetarin.
- Mbylljen e Sktorit të Qëndrave Komunitare dhe Sektorit të Kontrollit të Tregjeve, që krijojnë dublime me struktura të tjera të varësisë së Bashkisë Tiranë dhe sistemimin e këtyre burimeve në sektorë të tjerë të përshtatshëm.
- Ristrukturimin e plotë të Drejtorise së Bashkrendimit Institucional, në formën e një drejtorie për marrjen e ankesave, trajtimin dhe ofrimin e një zgjedhje alternative të

mosmarrëveshjeve konsumator-tregëtar, duke e shtuar këtë drejtori me numër burime të kualifikuara dhe me një sektor tjetër.

- E shohim si domosdoshmëri, mundësinë e vjeljes nga Agjencia të masave administrative të vendosura nga kontrollorët tanë, për të rritur efikasitetin dhe përgjegjësinë institucionale.

Për realizimin e këtyre objektivave, parashikohet një shtesë të numrit të përgjithshëm të punonjësve prej 10 (dhjetë) persona.

Efektet financiare të aplikimit të shtesës në numrin e punonjësve për vitin 2020, për Agjensinë e Mbrojtjes së Konsumatorit do të jenë 8,725,890 Lekë.

Muzeu Vendor “Shtëpia Studio Kadare”

Muzeu Vendor “Shtëpia Studio Kadare” është një institucion në varësi të Bashkisë Tiranë me personalitet juridik, si dhe me buxhet vetjak me zërat 600.601 si dhe artikullin 602 (shpenzime operative) për plotësimin e nevojave të muzeut propozohet shtim i pozicionit të jurist .

Efektet financiare të aplikimit të shtesës në numrin e punonjësve për vitin 2020, për Muzeun Vendor “Shtëpia Studio Kadare” do të jenë 758,848 Lekë.

Drejtoria e Shërbimit për Mbrojtjen nga Zjarri dhe Shpëtimit

Problematikat e shfaqura gjatë vitit të fundit në raste e rënies të zjarreve në fondin pyjor dhe kullosur, si rezultat i rritjes së nivelit të temperaturave mesatare, premisave për të patur zjarre masive, si rezultat i pakujdesive njerëzore, por edhe nga vetëndezja e gjetheve të thata apo barërave në territor kodrinor, kërkon sistemin e vrojtimit-sinjalizimit bazuar në një skemë efikase menaxhimi. Gjithashtu është vënë re edhe një shtim i rasteve të dëmeve të shkaktuara në banesa dhe subjekte privatë nga zjarret.

Për këtë arsye zbatimi i këtij plani të bashkëpunimit me komunitetin e zonës, monitorimi i zonave të mbrojtura kërkon një shtim të personelit të shërbimit të MZHS-së

Për realizimin e këtyre objektivave, parashikohet një shtesë të numrit të përgjithshëm të punonjësve prej 50 (pesëdhjetë) persona.

Efektet financiare të aplikimit të shtesës në numrin e punonjësve për vitin 2020, për MZHS do të jenë 32,819,110 Lekë.

Policia Bashkiake

Me qëllim përmbushjen e detyrave të ngarkuara me ligj nga ana e institucioneve që kanë në administrim, propozohet përlllogaritja e efekteve financiare për një shtesë në numrin e punonjësve të Policisë së Bashkisë së Tiranë me 72 (pesëdhjetë) persona, për një periudhë 8 mujore duke filluar nga data 1 Prill 2020.

Efektet financiare të aplikimit të shtesës në numrin e punonjësve për vitin 2020, për Policinë Bashkiake do të jenë 40,057,939 Lekë.

Inspektoriati i Mbrojtjes së Territorit

Inspektoriati I Mbrojtjes së Territorit, në Bashkinë e Tiranës po përballet me sfidën për të arritur parandalimin e ndërtimeve pa leje dhe kryerjen e ndërtimeve conform legjislacionit në fuqi në fushën e ndërtimi. Kjo situatë po zhvillohet paralelisht me projektet strategjike të Bashkisë Tiranë dhe kërkon struktura të specializuara për realizimin e tyre.

Për realizimin e këtyre objektivave, parashikohet një shtesë në numrit e përgjithshëm të punonjësve prej 23 (njëzet e tre) persona.

Efektet financiare të aplikimit të shtesës në numrin e punonjësve për vitin 2020, për MZHS do të jenë 26,348,537 Lekë.

II.4.3. Shpenzime Operative dhe të tjera

Shpenzimet operative dhe të tjera janë parashikuar në shumën 7,185,591,699 lekë për vitin 2020, 6,795,757,335 lekë për vitin 2021 dhe 6,923,123,129 lekë për vitin 2022. Këto shpenzime përbëjnë 35% të totalit të buxhetit për vitin 2020 dhe përbëhen nga:

- Shpenzimet operative të aparatit të Bashkisë dhe institucioneve në varësi;
- Përdorimi i Fondit Rezervë dhe Fondit të Kontigjencës;
- Transferta të tjera për individët

Për periudhën afatmesme 2020-2022, Fondi rezervë dhe ai i Kontigjencës, është llogaritur sipas ligjit për menaxhimin e sistemit buxhetor. Këto fonde do të përdoren sipas përcaktimeve ligjore:

Fondi Rezervë do të përdoret për financimin e shpenzimeve që nuk mund të parashikohen gjatë hartimit të buxhetit, me vendime të Këshillit Bashkiak;

Fondi i Kontigjencës do të përdoret për të përballuar efektet e mosrealizimit të të ardhurave, nevojën e kryerjes së financimeve të reja dhe shtimin e financimeve mbi fondet e miratuara të programeve egzistuese, në rast se do të jetë e nevojshme gjithmonë me miratimin e Këshillit Bashkiak.

Transfertat për individët përbëhen nga transfertat në mbështetje sociale të shtresave në nevojë si bonusi i strehimit, stimuj ekselence, si ai për nxënësit e shkëlqyer dhe stimuj të tjerë si pagesa për bebet, të cilat do të vazhdojnë të paguhen edhe gjatë vitit 2020.

Bonusi i strehimit është një nga zërat që zë peshën më të madhe buxhetore ndër transfertat për individët, si pasojë e gjendjes së emergjencës së shkaktuar nga tërmeti i datës 26 nëntor 2019, në zbatim të vendimit të miratuar nga Këshilli i Ministrave nr. 750, datë 27.11.2019, “Për shpalljen e gjendjes së fatkeqësisë natyrore në qarqet Durrës, Tiranë dhe Lezhë” si dhe në përputhje me ligjin “Për mbrojtjen civile”.

Bashkia e Tiranës është duke marrë një sërë masash të jashtëzakonshme për përballimin e kësaj shtesë, duke akorduar fonde shtesë për bonusin e strehimit dhe fondin e emergjencave.

Në thelb të planifikimit të shpenzimeve operative është racionalizimi i shpenzimeve administrative, duke vënë theksin në rritjen e financimit për shërbimet publike me qëllimin e përdorimit të tyre për përmbushjen e funksioneve kryesore të Bashkisë së Tiranës.

Peshën më të madhe në shpenzimet operative e mbajnë funksionet prioritare të Bashkisë së Tiranës: shërbimet publike vendore, arsimit parashkollor dhe parauniversitar, transporti rrugor, dhe zhvillimi ekonomik vendor, shpenzime të cilat financojnë ofrimin e shërbimeve ndaj qytetaëve, duke mbajtur fokusin në uljen e shpenzimeve administrative.

Shpenzimet operative dhe të tjera për vitet 2020-2022 parashikohen sipas programeve buxhetore si më poshtë:

në lekë					
Funksioni	Plan 2019	Plan 2020	Plan 2021	Plan 2022	
1	Organet ekzekutive dhe legjislativ, çështjet financiare, fiskale, dhe çështjet e brendshme	849,883,679	958,300,085	1,025,059,665	1,086,300,336
2	Shërbime të huamarrjes vendore	150,000,000	338,767,306	351,336,960	341,497,723
3	Shërbime policore	20,000,000	20,000,000	20,000,000	20,800,000
4	Shërbime të mbrojtjes ndaj zjarrit	58,163,489	314,603,972	145,989,101	85,875,928
5	Çështje të përgjithshme ekonomike, tregtare dhe të punës	62,000,000	110,000,000	65,000,000	65,000,000
6	Bujqësia, pyjet, peshkimi dhe gjuetia	153,967,575	206,698,796	103,945,976	94,841,976
7	Transporti	449,885,871	534,361,233	606,468,191	710,714,752
8	Industri të tjera	15,000,000	33,423,017	15,000,000	6,600,000
9	Menaxhimi i mbetjeve	1,553,226,458	1,925,564,551	2,027,691,071	2,027,691,071
10	Urbanistika	27,000,000	52,464,550	23,464,550	3,600,000
11	Zhvillimi i komunitetit	483,900,000	561,027,200	466,500,000	466,500,000
12	Ndriçimi i rrugëve	240,000,000	310,000,000	264,000,000	316,800,000
13	Shërbimet rekreative dhe sportive	109,000,000	164,065,000	172,854,000	179,481,800
14	Shërbimet kulturore	251,565,000	319,802,400	244,980,000	245,870,000
15	Arsimi bazë dhe parashkollor	664,357,000	535,965,680	539,234,712	547,336,434
16	Arsimi parauniversitar	309,901,789	337,027,789	337,027,789	337,027,789
17	Sëmundje dhe paaftësi	15,671,400	15,600,000	15,600,000	15,600,000
18	Familje dhe fëmijët	110,952,000	132,920,120	111,605,320	111,585,320
19	Papunësia	25,000,000	25,000,000	25,000,000	25,000,000
20	Strehimi	69,842,000	100,000,000	45,000,000	45,000,000
21	Fondi rezerve	120,000,000	150,000,000	150,000,000	150,000,000
22	Fondi I Kontigjences	20,000,000	40,000,000	40,000,000	40,000,000
TOTALI		5,759,316,261	7,185,591,699	6,795,757,335	6,923,123,129

Bilanci përmbledhës i të ardhurave dhe shpenzimeve të parashikuara për periudhën 2020 – 2022 paraqitet në tabelën si më poshtë në lekë:

	Emërtimi	PARASHIKIMI PARASHIKIMI		Ne %	PARASHIKIMI PARASHIKIMI	
		2019	2020		2021	2022
I	Të ardhura të taksueshme	8,972,750,000	10,017,826,000	49%	9,420,602,000	9,428,304,200
1	Taksa mbi pasurinë e paluajtshme	2,410,000,000	2,689,000,000	13%	2,770,000,000	2,840,000,000
a	Familjarët	510,000,000	769,000,000	4%	870,000,000	900,000,000
b	Subjektet Tregtare	1,900,000,000	1,920,000,000	9%	1,900,000,000	1,940,000,000
2	Taksa mbi token Bujqesore	50,000,000	50,000,000	0%	50,000,000	51,000,000
3	Taksa mbi truallin	60,000,000	60,000,000	0%	60,000,000	61,200,000
4	Tatimi Thjeshtuar mbi Fitimin e BV	170,000,000	170,000,000	1%	170,000,000	173,400,000
5	Taksa e fjetjes në hotel	85,000,000	100,000,000	0%	102,000,000	104,000,000
6	Taksa e ndikimit ne infrastrukture nga ndertim	4,000,000,000	4,300,000,000	21%	4,100,000,000	4,000,000,000
7	Taksa mbi kalimin të drejtës pronësisë për pas	300,000,000	320,000,000	2%	320,000,000	320,000,000
8	Taksa vjetore e mjeteve te perdorura	380,000,000	420,000,000	2%	420,000,000	420,000,000
9	Taksa mbi te ardhurat personale	257,500,000	775,000,000	4%	262,500,000	270,000,000
10	Taksa e tabelës	400,250,000	320,255,000	2%	336,260,000	342,265,200
a	Tabelë identifikuese/sinjalizuese	250,000	255,000	0%	260,000	265,200
b	Tabelë reklamuese	400,000,000	320,000,000	2%	336,000,000	342,000,000
11	Taksa e përkohëshme per infrastrukturen Arsi	860,000,000	813,571,000	4%	829,842,000	846,439,000
	Familjarët	310,000,000	313,571,000	2%	319,842,000	326,239,000
	Subjektet Tregtare	550,000,000	500,000,000	2%	510,000,000	520,200,000
II	Të ardhura jo tatimore	4,386,280,000	4,606,420,000	23%	4,708,187,000	4,792,903,000
1	Tarifat	3,352,800,000	3,595,420,000	18%	3,663,387,000	3,741,267,000
a	Tarifa e pastrimit	2,070,000,000	2,175,320,000	11%	2,218,827,000	2,263,204,000
a.1	Familjarët	730,000,000	779,440,000	4%	795,028,000	810,929,000
a.2	Subjektet Tregtare	1,340,000,000	1,395,880,000	7%	1,423,799,000	1,452,275,000
b	Tarifa e parkimit te automjeteve	570,000,000	617,200,000	3%	648,060,000	680,463,000
b.1	Parkim me kontratë	140,000,000	154,000,000	1%	161,700,000	169,785,000
b.2	Parkim me bileta	430,000,000	463,200,000	2%	486,360,000	510,678,000
c	Tarifa për shqyrtimin e kërkesës për leje për p	280,000,000	368,000,000	2%	351,000,000	343,000,000
d	Tarifa dhenie licence tregtim karburanti +Lend	0	0	0%	0	0
e	Tarifa për zënien e hapësirave publike	420,000,000	420,000,000	2%	430,000,000	438,800,000
e.1	Tarifa për zënien e hapësirave publike me platforma betoni,kangjella.	400,000,000	400,000,000	2%	410,000,000	418,400,000
e.2	Tarifa për zënien e hapësirave në tregjet publike	20,000,000	20,000,000	0%	20,000,000	20,400,000
f	Tarifa e sherbimit veterinar	4,800,000	4,900,000	0%	5,000,000	5,100,000
g	Tarifa sherbimi te MZSH	8,000,000	10,000,000	0%	10,500,000	10,700,000
2	Të ardhura të tjera	778,480,000	783,000,000	4%	783,000,000	787,660,000
a	Te ardhura nga qerate	63,000,000	63,000,000	0%	63,000,000	64,260,000
b	Te ardhura te institucioneve te varesise	165,480,000	170,000,000	1%	170,000,000	173,400,000
c	Te ardhura te tjera (penalitete administrative; te padetajuara; etj.)	550,000,000	550,000,000	3%	550,000,000	550,000,000
3	Pagesa	255,000,000	228,000,000	1%	261,800,000	263,976,000
a	Per kopshtet e femijeve	150,000,000	143,000,000	1%	153,000,000	153,000,000
b	Per çerdhet e femijeve	99,000,000	78,500,000	0%	102,000,000	104,040,000
c	Per Konviktet e Shkollave te Mesme	6,000,000	6,500,000	0%	6,800,000	6,936,000
	Shuma	13,359,030,000	14,624,246,000	72%	14,128,789,000	14,221,207,200
	Transferta e pakushtezuar	2,348,723,419	2,424,942,357	12%	2,740,160,004	2,927,708,309
	Transferta e pakushtezuar sektoriale	1,159,433,601	1,176,039,602	6%	1,250,000,000	1,300,000,000
	Te mbartura	1,500,000,000	2,178,800,000	11%	0	0
	Totali i të ardhurave	18,367,187,020	20,404,027,959	100%	18,118,949,004	18,448,915,509
I.	Shpenzime Korrente	11,202,959,614	12,936,078,671	1	12,546,244,307	12,673,610,101
1	Personeli (Paga dhe Sigurime Shoqerore)	5,583,643,353	5,940,486,972	29%	5,940,486,972	5,940,486,972
2	Shpenzime per interesa	150,000,000	338,767,306	2%	351,336,960	341,497,723
3	Shpenzime Operative Mirëmbajtje	5,210,022,261	6,113,831,221	30%	5,921,392,074	6,114,260,278
4	Transferta Individe	233,694,000.000	501,993,172.000	2%	307,028,301.000	246,365,128.000
5	Transferta të brendshme	25,600,000.000	41,000,000.000	0%	26,000,000.000	31,000,000.000
6	Transferta jashtë			0%		
II.	Fondi Rezervë, Kontigjenca	140,000,000.000	190,000,000.000	1%	190,000,000.000	190,000,000.000
1	Fondi Rezervë	120,000,000.000	150,000,000.000	1%	150,000,000.000	150,000,000.000
2	Fond Kontigjence	20,000,000.000	40,000,000.000	0%	40,000,000.000	40,000,000.000
III	Shpenzime Kapitale	7,024,227,406	7,277,949,288	36%	5,382,704,697	5,585,305,408
	Financim i Brendshëm			0%		
	Totali i shpenzimeve	18,367,187,020	20,404,027,959	100%	18,118,949,004	18,448,915,509